



秋澗先生大全文集卷第五十四

碑

大都復虞帝廟碑



幽陵之祠虞帝所從來綿邈廟據金故苑西北維兵
 後廢不治獨唐貞元間復廟碑宛在顏真卿人屢欲
 易去龔焉以它用主者心愴恍若有微動迺已厥後
 道士陳志玄直唐西有舉武起真陽觀為長春別院
 復購焉約不犯元刻用石背勒營建本始備力來徙
 碑與跌坵身挺植重不克舉仆道士惕息磬折向碑
 祝曰今神顯思若是願置安處且遠荒穢尚敢他用
 以黯聖靈神惟降監庶畢茲志安載而去吁亦異哉
 初樞密趙公良弼嘗建學宮於鄉縣求志玄為工師

既迄功以徙碑事蹟來告公曰嗚呼噫嘻皇乎休哉
惟帝明德萬古是式况異土茫之折而為幽州者帝
之所經畫宜乎燕人祠饗不忘廟屢廢而旋復也又
遺碑歸然自唐歷五代遼金當

大元戊寅凡五百有餘歲神物護持俾勿壞汝歸興
復之責不在師乎志玄曰唯即以道宮不構作新廟
而奉黼宸焉既而趙公將志玄之懇以復廟記見屬
某拜手稽首而颺言曰日月星辰帝文明也君臣父
子帝彝倫也山川風土帝疆域也是則聲教所暨魏
小魏乎與天地同休孰能名而能報哉今志玄黃冠師
因趙公一言而復數百年之舊俾來者瞻天就日知
慕帝德如蟻之赴羶可謂推原道本敬其所當敬乃

知天理之在人心者曾一息而間斷耶至於稽古樂

善因机就功此贊

皇猷思成比封之美又以見趙公事君治民孳之焉
以堯舜之道存其心者也誠宜特書以詔來哲仍繫

樂章使都人歲時祀饗登以歌焉其詞曰

帝降諸馮東方兮幽幽深山鹿豕群兮耕稼陶漁
至為帝兮風動八區烝又兮矧惟析津帝經制兮
物不苦窳化土泥兮聖靈在天濡鴻私兮阜財解愠
南薰時兮鳶飛魚躍日用而不知兮風移俗變天理
存厥彝兮燕人懷恩歆明德而祠兮八音庭陳鳳來
儀兮九疑雲深望何依兮我賡九歌言匪空兮皇天
降衷克綏惟帝聰兮恫彼下民中庸其鮮克兮嗚呼

胡能一天下之慮允執其中

大元故中奉大夫浙東道宣慰使陳公神

道碑銘有序

士有奮身韋布作時蓋臣志足以有為材足以應變
 氣足以充宇學足以明義毅然以致君澤民為已任
 雖固獲克畢厥志不幸而罹患難猶能挺樹名節勵
 薄俗于當年激清風于來代古難其人今于宣慰陳
 公見之矣公諱祐字慶甫世家趙之寧晉為人固窮
 尚志好讀書恥陸出馬混混塗間癸丑歲以藝能應
 穆王府辟一見而列侍從官公勤勞所事進盡忠言
 王嘉其大有裨益遂賜號尚書俾顯異於眾及分土
 陝雄其監與守承丞制封拜以公充本道軍民總管

治洛邑閔河衝會政荒民耗困于兵賦轉輸不大更
 張之將無以為治即啟其利病之要者得廿四事率
 如請又奏免征西屯田軍士數百家歲負糧料及枵
 竹等課甚眾自是殿夷屎息日就安集之樂八年間
 規為保障率以身為律度至今人賴其惠至元二年
 調官制行授奉政大夫南京路治中徐宿大蝗移公
 督捕役農民數萬度其勢猝不能殲秋稼垂成即散
 遣收穫自抹不然秉遺無餘或以不可諫曰救災獲
 罪迺所甘心
 朝廷以從權躡之尋授嘉議大夫衛輝路總管其治
 比洛愈精勵有方正官紀革吏習杜私交審聽斷務
 以至誠感發期于實惠及民每庸調之下必經畫寬

便使民有餘力。部內屯戍習豪橫，眠民司葭如莫敢。誰何公因事致詰，落其機牙，衆譁噪擁其長。以來意在振觸公坐廳事上，折之以理，厲聲色略不相假貸。為氣褫而退，自是闔境肅然。奉教條惟謹，復比干祀。大起孔子廟，暇則集諸生，肄經史以敦教本。至風化大行，吏民稱美，刻石以頌之。時憲臺初立，首以材擢授山東。西道提刑按察使公，意其責與志合，踴厲英發，擊豪右，摘姦伏，逆見隨決。所至以神明稱，貪墨者往往投劾而去。襄帷具瞻，有風動百城之目乎。時底蘊雖略，張設而憐。朝廷之心不食，寢忘嘗以三本陳事，忠嘉剴切反覆論列，至累數千言。大率

太子國本建立之際，宜早中書政本責成之任，宜顯人材治本選舉之方，宜審又群小流言干撓庶政，恐習以成風，私門萬啟于下，公道孤立于上。臣知承平吉祥之言必不出于若輩之口，事雖不報，士論偉焉。時機務多出尚書，權臣意欲獨顛柄，用乃以併中書設三公為言，事下大臣。勅公預其議，有說公宜審所向，可致大用，公不顧乃直言可否。曰：中書政本所係，併尚書為一省便。右丞相安童位尊望重，宜端揆如故。三公虛位不須設，置衆因以聞事，遂寢斯皆國家大計，人所持難。公慨然吐論，曾不少顧。自是忠直之名聞于蓋代，然不說者衆矣。俄遣簽書中興行省事十三年，改授南京路總管，兼開封府尹，屬吏憚

公方嚴有不安者仍諭之曰汝昔為顏今距吾以法
繩之昔為距今顏吾以禮遇之善惡自取吾何心其
間衆悅弭耳趨事許蔡郊有劇盜號賊李三黨結甚
衆軒頰囂嘯公然剽劫克艷動兩河間及公來逸去
以計捕獲即搃殺之萬口稱快明年春進拜中奉大
夫浙東道宣慰使時江左初下人情詭孰例賂遺相
尚公表以廉正濟以恩威遠懷迹又浙人忘亡其不
貪毋擾之戒茲有驗矣福建平大軍俘溫台新附萬
餘人而西公力為申援還民伍者什七八越校廩繼
米幾萬斛掩為兵食驗籍復于舊行省下今莫商酷
頗亟公建言兵後瘡痍未復宜停征以示優卹遂檄
公覆明台營田歸頓新昌值玉山寇出剽報至衆謂

可去曰吾守土臣義不當避去之民冒依俄克黨突
入衆寡不敵遂遇害實至元丁丑歲九月七日也得
年五十有六靈輒抵越人士素服哭祭皆失聲願留
葬起祠以奉嗚呼非守義不回推忠及物安能感人
心如是子夔請兵討復得首惡七人僇越州市次子
臯扶其喪歸殯洛陽縣之北邙原公劄明廉介博學
有經濟林信道篤立志堅從政果于應變為尤長氣
之所充雖百折不撓故處大事臨大節審量合義挺
然力行要欲表之有所見于世而勢利可得奪耶其愛
君憂國之忠出天性固然與人交有終始不可干以
私官二千石三十年自奉猶寒士不知富貴為何物
可謂甘貧苦節不媿神明者也以用因能盡死非其

所訃聞識與不識舉為愴惜之生平喜作詩辭必已
出能道所欲言節齊其別號云曾祖懷妣范氏祖忠
妣張氏世在野父諱子安性慈祥美丰儀易農而醫
壬辰際以其術多所全活陳氏之興豈其是耶用公
貴封資德大夫妣張氏順德夫人賜錦衣各一襲公
夫人翟氏以貞靜能安公貧子三人長曰夔武略將
軍佩金虎符充某路行軍總管次曰阜讀書克家矯
矯皆有父風次度未名女三俱適士族孫八男女各
四人卒事之明年孤子夔等喪服疊然百拜涕泗以
墓碑為請因念公與不肖交素厚先生之際三入予
夢皆有明徵豈非精爽交感動于彼而應于此然耶
雖既挽而復誅其感于予心者固有所未盡今屬筆

來圖不朽以義以分其敢以不敏辭謹按母弟知府
天祥善狀勉為論次之銘曰

維天降材

曰忠與義

致君堯虞

其將孰謂

貞亮之義

以介而通

一朝遭際

雲龍

列二千石

凜兩漢風

昇我共治
安而行之

否乃予愧

堂陳公

譽諤之忠

養我浩氣

奮從

即事進諫

敏焉赴功

擢登使車

其道伊何

匪功匪利

不曰蓋臣

元精貫中

以剛而順

塞乎昊穹

礪夫深衷

以德以讓

攬轡而東

三年齊魯 一鷄橫空
 袞織是縫 明我國本
 充庭預議 孰熟知雷同
 砥柱河衝 望公廟朝
 持節江海 卒與禍逢
 其來則豐 哀之嗣侯
 臨江一慟 揄夷姦兇
 與沒其躬 瘦陶之墟
 願瞻佳城 祖福是從
 安此新宮 忠傳孝繼
 是維慶父之表 過者敬恭
 大元故真定路兵馬都振管史公神道碑
 治安陳書 如棟之隆
 屹然有立 帝載奮庸
 命也何言 子職大供
 憤雪九泉 汶川溶々
 魂兮歸來 有決其風

銘并序

雲雷合奮屯難伊始君子以經綸為難換捨廓清恢
 我文治世臣以守成為重維史氏倡大義起營朔爰
 自都帥公仗鉞分閫來殿鎮方擴武略以濟屯角群
 雄而宣力取威定霸于是乎在繼以太尉留後二公
 篤忠貞昭嗣服治具築張民物趨阜至于知垂創之
 惟難審守持之匪易躬念成規洞焉恐墜卒之承先
 志而推方岳之賢著治效而冠群辟之列者總尹史
 公其選哉公諱楫字大濟世為大興永清縣農里大
 家曰成珪者公之曾大父行北京六部尚書曰秉直
 者公之大父金紫光祿大夫河北西路兵馬都元帥
 曰天倪者公皇考也初乙酉歲父金紫公遭罹仙難

時候甚難稱資稟剛毅沉塞已能從叔父忠武公破
 走仙復真定衆謂臧孫達其有後于魯矣及長不安言
 笑善騎射博戲音樂略無所意開府公竒其好尚不
 凡令給事左右俾習知政務已亥歲奏授公知中山
 府事惟定武衝會務殷使軺營帳中外騷屑公措畫
 有方數年間民賴以安尋充征南行軍萬戶翼經略
 公徇地蕲黃間當戰攻殊力值阻之則頓舍樵爨經
 營百至甘苦與衆共之及還一卒無飢度失所者丞
 相以公材果從政治兵皆所予可壬寅春引覲
 太宗皇帝奏曰臣先兄天倪死事際緣姪楫孺攝行
 其職今業克負荷請解所佩金虎符昇之臣天澤備
 列戎行俾兄不失舊物臣之願也

上大加稱賞即授公真定路兵馬都總管涖政之初
 顧惟鎮府表山帶河連屬三十餘城生殺進退咸倚
 顛決一旦惴惴繼述有夙興夜寐謹身帥先明政化
 信賞罰任良能汰貪墨劭厲農工惠鮮鰥寡庶繭絲
 輕而保障之功可立卒災歲朝廷肇議賦額戶率
 徵白金一錢名曰包垛銀諸路審其重莫敢倡言公
 毅然上請曰兵後生意未蘇民恐不堪如銀與物
 折各減二數庶民力少寬且無逋負允其請詔為定
 制迄今天下賴焉各道發楮幣貿遷例不越境所司
 較固取息二三歲一更易致虛耗元胎商旅不通公
 騰奏
 皇太后立銀鈔相權法度低昂而為重輕變澁滯而

為通便時又有言食者之醬請按籍計口椿散者業以從之公詣行臺論其不可曰鹽鐵本貿易物難同差稅一例配着今民資單弱是愈抵于困不若依舊便議遂寢嘗有寇行劫保之南鄙捕罔獲時檄所在如盜數償主公與保將賈會境上議強歸于我公弗辨徐曰盡付之第初發地約弊邑耕斲去其囊橐以絕後患何如賈悟遂誅我免輸償錢數千緡元氏郭其姓者愬府僚属于達官按脫既而質無實達官怒欲抵郭死公力請釋之曰此人以重辟謀陷汝等何援為公曰殄之以懲後未若宥之死愧其心也况人命至重豈以妄言某等卒窮極戮哉竟杖而遣之卒矣斷事官也里干脫火恩來按本部性苛察喜事凡

被劾者凌輒羅織莫有脫其殼者公能隱忍將順使虐焰斂熇不致濫及非辜害吾事而已其已籍沒者十數家公奏明其寬竟皆復業公之採時濟物民得受一分賜其不自顧籍類多此中統建元首授公真定路總管同判本道宣撫司事遂舉明州縣文學屬吏三十餘人後皆致通顯云三年齊叛平忠武公首奏兵民之職不可併居一門行之請自臣家始公即日解紱以職讓其弟江漢大都督權角巾私第裕如也遂選勝西郊築治亭圃日以植花水玩泉石為佚老之計澤車款段徜徉游詠人不知為故侯大將也以至元九年二月遘疾越廿日薨于正寢春秋五十有九某月日葬獲鹿縣明邱鄉安社里之西原公之

純正蒞家嚴格親戚左右固敢一語私于其間至若
民情鬱而未宣時政舛而未便寢饋為不安思有更
張而後已終其身無聲色逸靡之娛其奉上接物刻
已自厲不一毫及民前後積負至四百餘定弃官日
方議易田宅以償
朝廷憫其廉為代輸為故在官三十年間時和歲豐
政平訟理鎮之士民輕裘緩帶鳴絲跣躡嬉遊宴行
樂史氏之無事內則連甍接棟并肆夥繁河朔兵餘
獨稱萬家之盛外則阡陌從橫耕耒弥望熙々然為
樂郊之民及暮而報政崇獎聲寔俾為諸道法宜矣
夫人三完顏氏北京路左副元帥某之女散竹氏金
紫光祿大夫北京七路兵馬都元帥烏野兒長女蒲

散氏子男廿一人曰炫武德將軍常德府管軍總管曰
炯蚤世曰輝奉訓大夫孟州知州曰燧朝列大夫東昌
府同知曰熒曰燁卒曰灶輝曰煊潼關提舉曰燭燃炎
曰煬承直郎簽嶺南廣西道按察司事曰焮曰煨行省
宣使曰煨煨炬炘烜烜女子一十三人俱適華族
孫男廿三人長塔列赤武德將軍鄂州管軍千戶餘
並幼女孫一十七人若子與孫服庭訓迪檢押略無
紉綺驕豪之習彰纓若綬爛焉盈門詩云靖共尔
位好是正直神之聽之介尔景福公誠有焉公薨之
十年嗣子輝熒介公弟征東經略使樞御史中丞彬
以神門之表來禱某惟曩列省郎公以民事上計意
有未安者憂形于色固已切嘆其有忘于民及按部

燕南延見故老歌頌遺愛有不能忘者又知夫流風善政感人之深也如是輒弟其門士李豹善狀而系

之以銘其辭曰

緊農之務世服勤

史維累葉耕而耘

惟元再傳彪其文

中天艸味殊未分

豈其垂裕弥後昆

是為明府皇考君

已能馳射精絕倫

堂大府恒山軍

於鏢叔武經且綸

正以篤實天為親

一氣厚積生元臣

弱冠崛起乘風雲

亦能當閫收元勳

大忠遠掩射豕群

公今嗣封皆孤童

利器小試無輪困

一日作牧兩漢循

大綱一舉萬目振

如何畫法參能遵

弊去泰甚輕絲銀

歛向煬艷焦吾身

載其清靜民謚寧

潭園水滿花氣薰

崇高有餘足其陳

公堂糲食坐日曛

絳歌萬家和氣氤

桑麻蔽日原隍昞

歲時報政

帝乃訢

白頭一德酬國恩

保民無踰家富殷

權臣按事何斤斤

拔濯良善脫已焚

丹砂成金頑化仁

高牙大纛馳朱輪

公會目覩耳弗聞

念之民事憂絲棼

農夫不識城四圍

熙鎮土三十春

褒顯班上諸侯祠

用昭先功畫麒麟

惟冥報果忠與純
功成身退素所云
郊園花木清而芬
空餘遺愛霑邦氓
零落何必西州門
哀號罔極悲秋旻
擬配大茂增雄尊

慶流又見螽斯孫
笑解留務遠世紛
拂衣去作封山神
甘棠懷思墮淚存
嗣侯追報圖不泯
我銘騰芳舌可捫
孝思永言世所敦

碑銘

淇州創建故江淮都轉運使周府君祠堂
郡邑之設因形勝而稱望雄由變遷而有併置至於
廢起千載之餘功垂百世之後俾存歿懷思感人心
而不忘者非豪傑經濟之士未易致也朝歌殷故都

兩漢縣焉魏齊來移理衛縣河朔經途東出鉅橋之
陌而朝歌遂墟天兵南下鉅橋正途亦廢自太行
東接浚郊莽為林灌行者並山取捷躡跡于兔蹊鹿
町之間又分當相魏汲三會之郊盜賊囊橐其間日
禦人為尋常邦君邑長顧目前不遑矣暇遠圖哉故
群行恣睢莫敢誰何者有年于茲壬子秋
國家經略江淮擢行臺聽事官周侯充諸道轉運軍
儲使仍置司于昨侯道出朝歌登鹿臺遺址顧瞻河
山愛其沃壤且嘆夫梗阻若尔慨然懷闢易興除之
舉乙卯歲公以事北覲圖利害上之
朝廷為開可詔以彰德大名衛輝漏版戶五千實
焉復其徵三年因易號曰淇州縣曰臨淇特

勅公領辦其事。于是推賢擇能，申令講治。設官府，建倉廩，立市廛。外則表疆理，布邱聚，開阡陌，梁津夷嶮，以便行路。置淇奧，思德南陽，薛村等鎮，以間迥曠，耕牛田器，及飢貧不自存者，一仰給于官。下至取材于山，陶甕于野，率躬親規畫，略無倦色。西山鐵官，甃甕公出本資，悉發其伏利，自是四方流徙，願受廛胥宇者，日接踵而至。商通工易，貨委闡闡，餘糧畝棲，烟火連甍，鳴雞吠犬相聞。和樂之氣，達乎四境。候復以既廢且逸，無教可乎。遂建孔廟，立學師，敦化基而厚薄俗。不五載，內外修治，井井可觀。邑居過客，相與咨嗟，嘆息曰：曩以荒烟廢堞之墟，化為樂郊，樂國，向也。流通傭耕之民，今為恒產完美之室。雖天休涵濡，非

我公建白興造之力，疇克臻此。既而公薨于位，子錯襲職，繼述先志，有光于前者。至元癸亥，轉官制行州，隸于衛。耆舊馬良等謀于衆曰：公去世逾遠，吾輩生理日完，嗣侯又歷官它郡，其開建本末，卯翼深恩，匪立祠樹碑，奉祀光揚，何以報盛德而圖不朽。迺相率度治城，乾方爽塏，地廟而貌之。十三年秋，適嗣侯自魏府別駕代歸，良等邀過，妹邦大合樂，以落之。相與請予文以紀其實。走早辱公知，敢以不敏，辭念古之君子，興事造功，率忠愛特心，無一毫功利自私。克成碩大光明之業，故民戴之如父母，仰之如神明，宜矣。如公初以轉致之便，興廢棄于荒殘，因立聚之成，養流播于完寔，又未嘗占據膏腴，營治已私為務。誠可

謂持心忠愛，豪傑經濟者矣。致感人心，存歿罔間。耿
耿不忘者，如是。據禮當祀，在法宜銘。公諱某，字德甫。
晉之隍人，孝悌忠信，慷慨尚氣義。蚤以材術振擢，一
時仕至江淮都轉運使，其豐功碩德，具載墓碑。茲不
復云。今嗣侯自武德將軍陞嘉議大夫，佩金虎符，淮
東高郵軍總管。銘曰：

河山兩戒，殷故墟。
千年廢治，灌莽區。
政以規畫，無良圖。
一朝王門，曳華裾。
南來主漕，過此都。
血人于牙，其忍歟。

自昔土壤，稱膏腴。
殆侶淵藪，數歲逃逋。
堂二周侯，烈丈夫。
利烏思興，害思除。
頽嗟形勝，資豺貙。

龍庭入奏，為允俞。

一語能需，天恩濡。

郊圻申畫，開井廬。

連薨表植，左右間。

日中市集，百貨俱。

荒榛一旦，為亨衢。

流民賴之，彫瘵蘇。

借俸又復，三年租。

夫耕婦織，圃有蔬。

桑無附枝，麥兩塗。

花二翠浪，西山隅。

昔烏餬口，今贏餘。

我衣我食，公所予。

欲報之德，父母且。

胡不均弘，東事樞。

天奪之速，為世吁。

公去雖遠，愛豈殊。

身後報謝，當何如。

閱官盤，列綺疏。

繪肖公像，儼以居。

歲時豆蓬，民駿趨。

曝牲在几，酒在壺。

坎：鼓擊吹笙，箏。

睇公風馬，乘雲車。

神兮歸來意恒愉
甌婁滿篝厲鬼驅
採之民謠與同符
太行礪兮河帶紆
猶有墮淚沾龜趺

風時雨若蛇出道
我詩刻石誠匪諛
大書持書不一書
黃童白叟相携扶

有序

至元十七年中奉大夫叅知政事禎進拜資德大夫
中書左丞被二品命服中外具瞻越郝氏惟煒公乃
顧宗屬言曰自惟疎薄烏能致此茲蓋我祖考勤勞
累積篤祐餘澤集于後人乃克有濟今新壠幸建麗
牲有石惟是大書顯刻表飭神道庶幾報明靈昭裔

昧而傳永世然非賴篤古達辭者其將伊託遂以銘
章見囑某以察雅故義不當辭謾條其族系世德祖
禰之所以劬躬素後資德之所以起宗顯親者迺綴
之以銘詩維郝氏其先霸州益津縣人資德之曾諱
贊少擢律科第授憲部檢法為人文無害以讞疑平
允稱正隆末遷司理叅軍佐進發部歿兵間曾妣鄉
進士王公之女德柔嘉有母儀祖諱誠長身秀鬚率
儀甚都早以義勇聞大定初獎死事子孫得叙用材
武授衛軍鈐轄盧溝當國都西門水潦時至艱于航
杠承安中大起石梁府君首膺選督役疇辦最功陞
昭信校尉貞祐初燕不能都扈德陵南遷得疾卒官
下享年六十有七祖妣同開大家亦王氏姿淑貞事

勇姑孝謹生二子曰瑁曰珂壽七十有八終珂早世蒙
場府君瑁即資德之顯考也天性孝悌初鈐轄府君
既南徙靡所依藉奉母夫人走汴中途困乏置母便
所與珂索食鴈間游兵遇偕駈之去敦武君泣請曰
弟幼不任事父母所鍾愛幸免以視義縱珂還行復
念珂終不能違將其母困絕而訢曰將軍以母故釋
弟然母老須瑁可生且為人子不竭力于其親將安
用為敢以死請遂伏馬首不動兵怒以佩刀刺之即
仆地作死狀兵委去因護母與父會後用恩例調京
城州場副使官至敦武校尉至元乙丑某同資德在
東平史侯幕獲升堂謁拜時敦武府君壽期頤氣貌
魁偉其齊家勤儉有法若一官府然資德年向五十

佐封君列卿士長已貴朝夕溫靖門內事必咨而後
行有君晚樂道家言適其禁忌以靜默自處其修嚴
如此明年春二月邁疾考卒齊氏寓館春秋八十有
四資德扶柩歸葬真定縣西三里安上原之新阡夫
人馬氏祔焉夫人出棗強腴族性貞烈主內務殊健
生平樂于為善至絕葷酒不御每晨興炷香禱曰願
聖人壽天下安妾家亦沾餘佑又月具饌食囚繫為
常初資德為郡決曹歲壬寅有盜劫臨城石帥家以
疑得鬼劉等十餘人繫之皆誣服上官趣論報夫人
訪聞里間有稱其冤者歸語資德曰桂楚下何求而
不得汝當盡心詳審恐及無辜資德亦方以賊驗未
白致詰及承教仍文移緩其事尋果獲真盜自是資

德于獄情愈恤慎後復全活張紇兇等十餘輩由是而觀昔雋京兆母聞不疑于囚徒多所平反即言笑異常不然恹而不食以夫人教我方之賢于人遠甚又近舍有賣餅翁媪併亡喪不克舉夫人鬻粧奩中物掩瘞迄成禮非出天性能然邪中統甲子歲正月十二日以疾化于私居之正寢享年七十有四子男一即資德公女一適尚書許公孫五人曰思仁謹愿克家次思義資溫雅有幹局材官嘉議大夫諸路人匠府摠管次思忠性果達少中大夫同知真定路摠官府事次思禮思敬重孫二女孫二竊嘗論古之人因陰積而獲顯報由仕宦而位公卿者多矣然非濟以材德則卿相之任有不克負荷者今郝氏連世孝

友純善因修厥報委積流行介祉于資德公三廼傳德襲訓自微而著莫不材稱故能依光藉潤遂貳台輔是皆祖宗載基載播于前而公以材德肯構肯獲充大光揚于後故也今復援賜鼎歌鍾之例載德象容刻銘樂反垂示無忘可謂適進先業濟其世美者矣其詩曰

商啟期封
郝姓乃蕃
建遠晉中圯
一異宗同源
義形于生
乃理之循

肇迹太原
晏相夔將
族系枝分
處俊相唐
忠烈名存
暨司司法

因卿定氏
寔為裔孫
散處朔南
立朝直聞
維德繼顯
奮跡益津

平讞庶獄

債彼祇勤

駕梁桑軌乾

增秩疇勛

中涂阨阻

德馨悅帝

宜達而室

復出人羣

華軒駟馬

推功本元

我觀資德

謙以持身

廷無寬民

於赫鈐轄

萬石鱗

敦武超文

孝義兩伸

三立一致

歸成後人

持衝機務

乃大于門

爰求我銘

才全德洵

須彼陰積

毅然就列

職司微巡

神工雲保

奉母南奔

施于閨壺

封培善根

篤生賢孝

叶贊經綸

不有其美

載苾其芬

仁以濟物

蔚為名臣

隆、新邱

石卧蒼麟

匪義奚立

垂裕後昆

淵峙無極

萬象傍隣

神維顯思

非孝無親

恒岳之陽

永昭刻文

表列華柱

孰知高君

移忠于上

溥池滄淪

秋澗先生大全文集卷第五十四

秋澗先生大全文集卷第五十五

碑

大元國趙州創建故開府儀同三司中書
右丞相贈太尉忠武史公祠堂碑銘并序

自昔以功德而獲大任既沒而饗常祀者鮮矣况得
匹夫匹婦之心者哉如武侯卒而蜀人祭於陌梁公
去則魏土廟而食寥寥千載幾何人斯若太元郡趙
相師表百辟名節獨著薨謝之日奠加賻碑賦銘文
無異議民有報祀而得衆心之同然者今於忠武史
公見之公肇自

太宗朝襲世爵付以全趙四十餘城俾撫而戡之既
而公宿兵陽夏歲例歸眎師每逢趙遲而而去時

郡甫離兵燹，經涂南北，環視千里間，野枯民曠，畧無生意。公憫其如是，必為察民情之所苦，留情體訪，凡賦役偏而不均，獄訟冤而且滯，此無問鉅細，一有之即以為有害於政也。立與之革，均調而疏濬之。與民間無所求索，自貶威重，告語約束，未必親詣閭閻，其一切興除寬假之力，又有大過人者。會趙郡秀民共倡為白衣經會，煽七縣間，不逞輩餘，因端竊發，以致蟻附。蟻聚伺昧，嘯兇約屠城邑，資藉梟雄，以為依庇。欲乘期竊發，適公歸至郡，有以變告者。公曰：若此者，有亂之萌，無亂之形，處之為最易耳。但須以計戢之，無趣其變。公外示閑暇，覘黨魁所在，為伺其巢穴，密羅之，盡出其不意，掩捕獲焉。訊之具服，示所懲責，餘悉貸之。且移

告屬邑曰：渠率已殲，餘不一宥，以安反側。趙人遂安。迨壬寅歲，詔作邱甲，時歲荒，民移排抽戶，推事竟，推不滿者三十數，有司以狀白。公曰：業無所于取，缺之以需可也。守吏以軍興嚴喘，不敢諾。公曰：以民困故，非敢私，脫有悞，責我任，不汝及也。殆紀後，乃如約，不數年，保障休息，恒襄間，熙然一樂國也。公薨後十五年，前蘭溪簿郡人李瑛，意義重報貞，而有幹為一日，謂趙之父老曰：吾儕小人，樂有家室，得至今日者，可不知其所自。斯皆忠武公恩造骨而肉之，之德也。終無以圖報，將死有餘負，惟是起祠奉祀，庶疇萬一。眾曰：諾。遂相與協力，作新廟于郡城西里，迄二載，廟成，神栖像設，翼、有儼，凡用錢三千七百餘緡。

已而州貳政循人賈英嘗屬橐鞬左右公覩其若尔
感念疇昔曰丕厥構則罔及迺以樹碑頌德為已任
以某知公平生頗詳不千里遠請書其事于石某以
下吏故有不敢多讓者因勉為次系之公諱某燕之
永清人姿忠亮謹畏以度量雄天下歷事四朝入則
坐廟堂出則分閫寄者五十年當其臨大事決大議
夷大難不動聲色卒之收尊主庇民之功此天下
所共知茲不復云顧惟治趙之績在公雖一事惟其
恩造之功至故能感民心也深化強梗而為善良易
慷慨而為忠厚以致其生也如父母戴之其沒則以
神明事焉嗚呼休哉人稱至人不死以氣之精大賢
不_以得氣之英公英爽在上其眷恋于趙人也審矣

仍作歌詩遺之俾歲時虔饗以侑有蕙椒漿之薦其

詞曰

常山鬱兮蒼蒼、陣堂、兮公則亾趙之封兮四開風
雲慘兮漢故臺望公不來兮莫知我哀公精英兮弗
昧山川開闔兮不隨以晦公不忘兮德在民思之在
心兮其存則目存之目兮思則固廟而貌之兮其以
故招公來格兮歆嚴裡颼冷飈兮雲旂紛蟾光靈兮
愈于生存福我兮孔那驅癘疫兮辟妖訛風時雨若
兮歲時和民報祀兮心乎靡佗坎擊鼓兮舞佺、
饗有有烝兮登有歌麗碑峨嵯兮永言不磨

大元故懷遠大將軍萬戶唐公死事碑銘
并序

天下有戰之士，拳勇絕人，捐軀殉國，雖一時之短，其義烈言，超千人而挺生，奮百世而獨存者，誰乎？南陽唐公其人。公諱琮，世居內鄉，縣浙川之白亭。伯祖諱臯，金季以御豪，署峽口鎮將。父諱慶，仕亡宋，用邊功起身，自保義郎京西副將，累遷至左領軍上將軍，諸軍統制，歸附皇元。後終江淮軍民安撫使，唯襄鄧自昔為用武地，唐氏世鍾材武，繼領鞞鈴，剛毅奮發，馳聲疆場，稱山南名將家。公軀幹魁傑，而善于騎射，黝色鷹視，氣吐鍾鈇，然操帶橫槊，出入行陣間，人愕而聳之。至元十三年，襲父爵，授武略將軍，管軍總把。明年丁丑，轉武德，復安撫使，仍佩金符。十六年，以勞績進階宣武，授金虎符，管軍總管。十八年，陞懷

遠大將軍，萬夫長。二十年，改授唐州軍府萬戶。二十五年，移鎮泉道屯，駐春陵時安南，保最爾域，負固不庭。聖上赫怒，詔諸道兵以討之。公到鎮甫二旬，而檄至，即閱數軍實，申嚴節制，明日大讌，郡僚叙別，或以期遠，緩發為言。公曰：不可，征討國家重事，忠勤臣子大節，况吾家三世迭將，迨不肖之身，分符額闡，備其爪牙，恩寵深厚，思畢力邊陲，以暢天子威命，則死之日，猶生之年也。尚敢以顧忌為計哉！詰旦啟行，旗旆精明，鼓角清亮，識者壯之。遂會諸將屯靖海境，谿嶺湍嶮，艱于馳逐，北兵不習地里，與鱗介爭利于舟楫，叢薄間，已非所長，加以瘴厲流毒，

海颶騰炎，吏士觸冒，疾疫者過半，躬自撫視。左體右劑，恩義備至。若父兄之于子弟，致人感，激思奮。島夷幸我師不利，乘便突出，逞獍肆。凶次年己丑三月，大戰于鹽場之三江口。公率眾先入，所向披靡。賊兵眾開而復合者數四，致麾下散失。公力戰，手刺數十人，以沒得年四十有九。訃聞，部曲至，刲股肉致祭。朝廷為嗟惜之。公天資雄峻，沉鷲，有將略，號令精明。拊循有素，期于恩威兼濟。當戰陣際，奪勇氣，敵不自顧。藉有古烈士風，槩故所向克捷。自筮仕不十年，正位帥閫，平居與人交，氣怡辭溫，謙恭惟謹，未嘗以色待物。人視之，儒素也。其死生義利，胸中摧衡素定。決非奮不慮死，徼取美名者。嗚呼！忠義天下之大閑，志

士仁人，終始一致，雖穎嵩岱，不吾壓也。豈以暫不幸而墮吾名節哉？王者推而褒之，所以砥礪多士，室不軌也。故周崇死政，漢寵死事，然皆有等級次序，俱未若皇元即以父祖之爵祿，畀其子孫，有崇無降，其報卹激勸之典，視前代為重。公可謂得死所矣。夫人李氏，亦內鄉大家，資度純懿，克媿公德。孝以奉舅姑，慈以鞠幼稚，生三子一女。孟曰世忠，仲曰世英，季曰和尚，孫二，長靈童，次保，世忠子也。世忠嗣承世爵，往奠舊服，追忠思孝，罔替箕裘。奉公衣冠，葬襄陽穀城縣鳳谿鄉丙山先塋之次，起祠墓前，歲時享獻，庸展哀懃。復念非假，辭紀績，曷以垂鴻無窮，倘得書太史氏，則先業為不朽矣。遂介秘書監丞申敬，載拜來請。某

以忠君孝親係風化所在有不獲辭者輒論列而係之以銘其辭曰

武當西來萬馬驤
鳳谿之里穀伯邦
丙山衣冠唐所歲
佩服義烈南方強
幢牙茸纛金節煌
維南有交代用張
萬甲夜卷趨敵場
誓此一去批其亢
山谿失勢臣分當
落銅柱鷹孤揚

漢水東注為滄浪
盤沃野開荆襄
維茲唐侯百夫防
三屯崛起恭我行
王常鐵石我所將
一軍來成心靡違
桓不憚天戈攘
春陵宴訣何琅
蛟鱷肆毒紛蜂螳
海霧翻瘴霾三江

奮：戰鼓聲則鐘
蛟匣零亂劍有光
一日之短百世長

一債不抹千夫僵
臣維有霄甘自戕
恨以鱗介易我裳

義存義亡臣節昌
邱典昭報惠澤霽
奠而從祖饗有堂
羈棲胡為滯此荒
牲牲肥脂羅酒漿
鼗鼓鏡鐸聲鏗鏘
銀鉤翠琰勒我章
陵遷谷變事巨量

勝負况復兵家常
嗣侯孝思示不忘
巫陽下招為悲傷
魂兮歸來安故鄉
部曲儼侍備兩廂
子孫歲時供蒸嘗
忠傳孝繼溷大決
英聲載在永不亾

順德路同知寶坻董氏先德碑銘有序

至元十七年奉議大夫盧越鹽使司提舉董侯孝良以規辦功最陞授朝列大夫同知順德路總管府事自惟材疎能譎何以臻此茲蓋祖禰積德彙行涵濡慶澤所從徠遠矣惟是斷銘樂石光賁松梓庶克昭信適追仰報因極迺介府幕陳從慶贄禮幣百拜以先塋碑為請某承乏燕南以明新是任惟孝與義為立大經今猥來屬筆有不當辭者謹按所具事狀董氏世居燕之武清縣南仁佛里金大定十二年改新倉鎮作縣故今為寶坻人曾祖以農為業代遠偶逸名諱生三子曰永進曰仲仁曰益昆仲既蕃孝愛日篤以賢雄一鄉永進娶彭氏女寔生寶溢府君諱柔蓋侯之皇考也府君行孝廉善居室一介不妄取與

諸人里中以善人稱之二親嘗卧疾治療罔效府君曰嘗聞人之肌肉可愈困瘵于是默割股肉雜它膳進之服之果良愈既而父日病幾于凝育府君又以舌日舐其睛無幾頓還舊觀邑里稱嘆以為孝感所致云嘗以事之保暮行通衢間蹙得白金一巨餅楮幣百餘緡詰旦持坐獲所候求訪者失主至物色為不妄即付之至于年子錢貧不克償者率折其券貸自是孝廉之名軒著燕保間當途者聞之以謂不苟于得可以臨財厲俗用存檄充保定務商權次任寶溢塌監支納益用心稱物極平施之方公私俱有賴焉至元十三年以疾考終牖下享年七十有八董氏其三代皆窳寶坻故塋至公始徙家武清之大定

法遂改卜聚落之南原。是為武清新阡。孺人蘇氏。信
都大家。事舅姑。主內務。以孝婉聞。生子男三人。孝義
孝溫。孝良。太君資藉訓迪。納規矩中者居多。故母儀
婦道。宗族取法焉。今年九十有四。起居飲啖。精健如
五六十人。孝義有融德。不樂仕宦。二子長曰順。管勾
鹽場事。次愛孫。孝溫醇謹。有幹局。充鹽使司判官。三
子和張驢。昌孫和任監當官。和之子八十買住。孝良
孝友純至。幼習司空城旦書。及長。兼通國朝語。嘗
給事貴近。以材果。管勾三汊沽鹽官事。至元十年秋
大霖。三汊被浸。亭戶例狼籍阻飢。侯致郵申明。上官
發廩米四千餘石。侯乃計口均給。民免菜色。水退。侯
諮度原隰。終復為患。議戶抽一推起土障場。請于上。

允焉。明年水果至。無所虞矣。以能陞本場鹽司大使。
仍佩金符。以寵異之。先是歷年牢盆錢。不計成。鹽多
寡。即驗丁全給。致本耗而課不充。後復給與不時。課
不辦。而卒日困。侯白所司草焉。遂驗亭戶煎數。在官
仍半給之。復需其畢運。為足其所當付。至曩之倚而
未頽者。仍皆為界之。至今遵行。官卒兩稱其便。十三
年。亭戶乏哺。無可于糴。侯以鬻造孔棘。恐軼歲辦。出
私廩二百餘石。稟食之。未嘗更其費。十四年。用薦欽
授。宣命官奉訓大夫。尋陞奉議。兼提舉。蘆越鹽司
事。十七年。以均幹有方。程辦饒羨。積前後勞。遷授今
職。侯以民社重寄。非財賦可擬。宣力有加焉。子三人。
長曰革。中書省宣使。次安住。次海山。鐵哥。初寶溢府。

君到股肉以致親和厥後府君泊太夫人蘓氏在疾
子孝温及侯與室劉氏亦踵而行之由是鄉里論篤
孝者以董氏為稱首嗚呼孝者人子至行揚名顯親
之大致也然代以孝名者非一若休徵之剖冰求鯉
孟宗之泣林取笋李建進藥而病即瘳盛彥慟哭而
明復故今董氏之刺肌而愈親疾可謂情迫孝至殊
途而同歸者也詩曰孝子不匱永錫爾類其是之謂
歟至慶流亂裔移理于官宜矣後之來者復能致竭
兩間以極忠厚孝廉之美將見董氏福祿淵流而未
央也是宜銘之曰
暨：董氏
是生三珠
起家幽墟
孝廉温潔
醫曾祖君
玉瑩不渝

我屋豐潤
乃皇厥圖
我幹我均
我恆有餘
病則致憂
其樂愉
錫我亂類
高大門閭
顯親揚名
於焉是需
巧我銘章
渾流徐

爾焉德劬
一廉屬俗
我權我酷
夫孝何居
已何暇虞
要以情至
德宜不孤
連城具瞻
實由懿模
爰峙豐碑
大書特書
照映鄉梓

維寶溢君
致身仕途
人勉不足
曰父母且
越惟親安
同歸途殊
篤生賢孝
有儼倅車
適追圖報
螭首龜趺
幽陵蒼
永示德隅

故提刑按察簽事劉公墓碑銘并序

奉議大夫提刑按察簽事劉公既寔之明歲其子珪感然以追遠之志未諗曰孤不天先君勤黽王事不期顯歷半道傾推俾任重致遠之舉罔克攸盡在珪慕終養之榮曾弗少及不孝之大無足言者維是刻銘麗石表見墓道庶不朽而為新壠光幸憲使憫焉某惟曩嘗與公翱翔中書有聯事之雅以公以義有不敢為公友新者謹按事狀公諱濟字巨川其先真定行唐人古在野大父某個儻尚氣義鄉為曲所重考信方直有父風以植產致富心存樂施貞祐兵避地陳穎間散財濟衆人多傾赴正大末所在遊騎充斥令民團結相保衆推公充鄉義兵都統已而歿于事

公信之家嗣也自摠角姿嚴恪不知為兒嬉及長明吏事時趙人董珍者未領魏郡材公為即署府從事民政軍務多所裨益中統建號省府立擢賢舉能以恢廓宏綱為亟路辟公應選遂補省左曹掾四年間精覈吏務氣明而事辦然所期攸邈有不屑為者尋除貳上都糧料使會當估平致太庾京積已而充中書磨勘官真定郭文進者據白首二人毒殺其父歲久莫決府以疑獄聞命公往讞既至按覆簿牘推察物情不終日而虛實兩判鎮人稱其明朝官嘉之至元七年勅授承直郎太原路總管府判官公不卑小官思以行志惠吾民為念府東有山曰罕山每溝澮秋泛害及閔坊公廼度原隰相水衝以事宜從上

官議可為衆欣就後自山南抵汾壩鑿渠涂十里以
醜水勢自是漂沒患絕且溉傍田數百頃其興利除
害類如是明年夏六月大旱步禱列石龍祠應焉秋
賴以熟九年陞授奉訓大夫知獻州事既下車囚繫
填狴犴間公歎曰盡心之戒當于焉是圖遂裁遣剖
折凡五日牢戶為一空然後東吏以法拊民以寬慮
科調之不均也為等第之恐田疇之未治也為勸劭
之新州治以具視瞻崇儒學以敦教本內外釐補井
井有條其孝悌任郵之化風偃海濱矣迄今民思不
忘秩滿憲司廉其能遷奉議大夫簽書燕南河北道
提刑按察司事十六年四月竟以勤事致疾既乃終
于位享年六十有四夫人程氏魏大家配公德良稱

前四年卒即其歲九月廿九日祔歲大名縣賢
由益里繁水之陰宅新兆也二子珪玘今珪亦官承
直郎大名路總管府判官性純孝從政幹果玘歷管
庫甚愿女三人伯遠趙郡武氏仲從鄒氏季徐氏公
資明辯遇事風生不肯陸一事落人後故所至卒
有聲其孝義出天性固然初調并梁兵西援照臆事
集張望南雲泣焉輿感曰母氏殯陳四十年不即卒
大事儻盪先朝露目其能瞑耶乃于介使告其所以
然諾焉馳至陳求訪叢垠間罔知誰何因籲天行泣
俄得劉叟者示其處下揀驗所誌物是夕寤寐中嘗
有以呵之者曰汝母何疑當收之速去即是年冬十
月歸葬行唐縣甘泉鄉七里烽之先塋禮也傳稱古

人行役云遠必思念其親以篤孝養若公斯舉何思
遑將其母哉又御豪董君死葬瘦陶碑石卧荒壠間
身後貧不克劉樹公按部過趙為求銘表墓以報知
已其風義肯上世又如此是宜銘
古評吏治匪循即能
能或槩稱時有緩急
佩玉長裾艱于奉承
其任乃勝用或異宜
才長氣弘擢列郎曹
直鑒劉公翻荷素
銳于發矧錯節蟠根
若不肩為
殆古能吏

苟利吾民
懷思無斁
子箕而裘
神亦寧止
沙麓茫茫
墓碑有鬼

身弗遑暇
維孝與義
已濟厥美
五鹿之野
繁流瀾心

于今兩州
為去儀軌
歸息泉肩
由盆之里
谷變陵遷

大都通州郭氏遷塋碑銘并序

孝子之愛其親也心無乎不至其始也盡懽心以致
其樂僭高爵以顯其宗又以安富尊榮歆其親以愜
其志望及其終也擇善地敬真宅樹豐碑彰遺嫣別
為再祖俾饗大宗不遷之祀越是心以為忤者于尚
書郭君見其純且至焉郭氏世為通州潞縣人曾祖

府君諱伯昌尚義有應劇才金季以勞授州之判官
方四郊多壘仍歲飢荒賴公力全活者衆民刻惠里
廟至今其石宛在金制官多嚴不敢絲髮侵上承下
辦惠鮮保障能尔其為人可知已大父諱和字和之
資持重擇交而游經紀遠識殊與父肖貞祐初燕不
能國遂避地徙河南公奉從母楊挈弟姪至復還御
梓往返數千里間冒涉艱梗舉宗全慶竟不失舊物
是亦人所難能郭氏之有今日其祥實開于此公少
樂讀書長以吏業著稱且立之與潞在昔為轉漕淵
會見聞習熟故公于綱計為詳壬辰歲詔立漕司
于燕明年癸巳中書粘合公辟公為經歷官舊條新
制兼舉而行居無幾何民力大行而廩儲崇積會計

出納允當詳明官無私焉至今論漕運者皆以公為

稱首

國朝丁未公春秋五十有九卒官下祖妣孫氏出庶
之清門內助成家與公合德後公廿一年乙亥歲壽
八十終生二子長諱天珪字君寶次天瑞晦德不仕
棣華輝映樂怡也鄉里以善人歸之長即尚書君
考秉德清慎直諒多聞以古美繼為漕幕從事為人
樂易輕財好施雖指困解駮未嘗見難色樂從賢士
夫游延致禮待惟恐不盡又通五行書叩之者推明
倚伏率以戒辭為言斯亦知命君子者歎惜乎年不
滿德仕未盡用至元改號夏四月廿四日以疾卒壽
止四十有七子秀生總十四歲矣夫人張氏燕之名

家性貞靜，壺儀有光。漕司府君既歿，夫人持內事甚嚴。家道昌宜，內外宗屬入門升堂，不覺其母子之互為資也。享年七十有四，終所居正寢，實至元十九年壬辰秋八月八日也。秀字秀實，姿善淑，少以孝聞。交于友以誠，移于官則理儀觀魁偉，臨事明敏，有矜藉甫冠，由總制院都事遷經歷官，繼改都省左司員外郎，尋就陞郎中，已而授少中大夫禮部尚書，今簽宣政院事。君自惟起身刀筆，不十年致位通顯，德薄才菲，將何以臻此。茲非先世積善累慶，光潛不耀，一旦叢于不肖身者如此。是用祇懼昊蒼罔極，報德何從。顧惟長城先壠，歷年貌斧封馬鬣，傍無所取穴。故祖考叔父而下三柩，皆未克大葬，言念夙傷，芒刺負背。

乃改卜宛平縣張華里之北原，墨食吉，用三十年春二月壬寅，以三品儀物封而樹之。庶幾無乎不在之心，少有遂焉。既襄事，百拜以墓碑，未請幸內翰惠顧。三讓求益，懇予以孝子順孫顯揚慎追之義，關人倫風教者為最。謹按善狀，諾而銘諸銘曰：慶由善先，順為福原。惟積也厚，其流則淵。譬彼播植，用其道而分所宜。其根苗華實，有不期然而然。倚欵郭氏宗族，嬋媯繫長城之故壠。不知其幾世幾年，堂封壘。拱木蒼烟，偈道涂而且隘。無可穴而理必遷。張華西里，其平宛。風水攸寧，鬱焉新阡。哀送終棺，衾華鮮。祭以大夫，有加焉。邇祔安神，靈既厚且堅。廣窀穸之下，慰將寸心之少安。孰無子孫，覬耀聯翩。

念得之而能竭力讓春官之孝賢刻吾銘而表神道
永以為郭氏無窮之傳

大元故中順大夫徽州路總管兼管內勸
農事王公神道碑銘并序

上登極之二載詔以前泉州路總管中順王公作尹
于徽制下而公已卒士論慨嘆惜其備具文武才未
究于用也明年春正月嗣子謙持太史屬王德淵所
撰善狀百拜來請銘自惟識公始用情交終以義合
至元庚寅歲邂逅于甌閩後二年予入翰林公亦終
更來燕玉堂多暇日夕從游詡相得校夫三十年
間會晤雖數在京師為最洽公今已矣銘其墓宜莫
予若公諱道字之問姓王氏其先為京兆終南縣人

世將家公姿魁偉勇而多力幼讀儒書長喜武事飛
戩走檄尤翮也公既負器局挾藝能不肯碌居
人後間出大言捍闔時事及作為歌詩藻思甚壯激
昂頓挫以驚動一世謂將相無種功名可握契致也
然于時貴近終無所合至元更化以剔民蠹清吏弊
為亟公曰茲吾之時也廼走燕上書請置執法官如
是則吏畏政肅澤被于下政化可得而成六年憲臺
肇建遂辟充椽史公志在澄清一旦抱犢齷齪見追
論得失于簿領間恥于屑為終數月即拂衣而去適
朝家遴選文學士充東宮講書官用昭文實公薦
得入侍經筵進讀際辭理敷暢間以時務意在互有
發明由是稔知為奇士進見顧盼與餘人異欲大用

而有需也十三年江左平福建內附蠻夷悍輕易怨以變蛇豕婪血人于牙何所靳顧非大行臺填之不足以制內而撫外也故即署官重其人方裕宗皇帝恭聽朝政廼選公充福建行省左右司郎中時柄用者專尚威猛不能導揚恩信慰安遠人凡事之悖理政之害民及私意之所宿者公皆執而不行至面折力諍必理得事正而後已如宦族趙知府元輩六十三家閉居室潤誣與山賊通擬擬殺之意在籍沒掩利餘貲公抗言宋故官累詔恩卹今以昧暖一槩奴戮有傷朝廷好生之德止杖八人餘悉縱遣降將吊眼陳據漳州叛賊勢張甚招討潘力不支踰城走泉行省以失守罪縛出將戮焉公曰

招討秩三品有罪當稟于朝不可擅殺上官怒遣督將二人率甲士環公曰字不同署罪當相及公廼具朝服望闕再拜曰省官不有朝廷協我以兵欲將何為吾寧與潘同死字不可得也彼莫能屈潘竟減死論其守正不屈類如此由是強橫氣褫善良攸賴閭閻間至函公像事之廿四年授中順大夫泉州路總管兼府尹泉據南海津會豪僧吏商假權貴聲勢日凌輒請索素大府紀綱年取衆利公折以理拒以威輒落其機牙束手噤語而去公堂為肅然先時晉江之安溪土賊張大老方德龍嘯聚畚洞無賴二萬餘人時出搶略為一方大患者幾三十年聞公至私相約束曰王老子來當謹避之勿輕出公為布

耳目設方略不月踰生擒賊首廿三人悉擲殺泉市
餘衆賊散百姓為之歌曰藥不瞑眩而疾祛非良醫
而誰乎兵不血刃而賊除非智士而誰乎其為輿情
感悅可知矣在任凡四載代歸鄉里以營治先塋樹
植碑表為務屢供其召親友燕衍為樂若日不足者
家人亦訝其遽如許也元貞二年春二月十有二日
以疾終私居正寢享年七十葬維州北海縣樂泉里
金山原公強矯有守臨事敢言膽氣噴薄無所回撓
志在開布公誠砥礪名節表有見于世孰謂勢利
可得而奪邪至于摘姦發伏不避持難又似夫漢王
尊之在東郡虞詡之治朝歌也奮身布衣起家至二
千石剛直之氣至老不衰其功業正斯而已此士論

所痛惜也遠祖金初以武功賜完顏氏世襲千戶官
至金吾衛上將軍曾祖諱虞卿大父諱從正歷隰州
太守父諱成皆嗣承世爵金亡復故姓仕
國朝任樂安縣令因家焉今為廣固人公先娶孫氏
生子謙夫人年廿八卒繼室羅氏亦先公卒生二子
曰諒曰惠謙幼侍東宮才敏有時譽能政克家蔚
有父風今官奉訓大夫大司農少卿男孫四人謙之
子三曰元孫仲孫季孫諒之子一曰彥孫公平生著
述號雲門老人集殆千餘篇傳于家銘曰
繫王使君起海堧妙齡飛英振孤騫陳琳書檄何翩
翩一箭擬下聊城堅心惟疾惡民瘼蠲驅逐烏雀同
鷹鷂一行作吏非所便褰帷有志澄八埏封書直上

沃帝淵太微執法光炯然春官嚮學開經筵一
 日登對席為前顧公可試宜擢遷利器當遇蟠根宣
 頤閩行臺兩廣連陽舒陰慘持化權幕非其人奚望
 旃六十三家宋故官執之狂死何繁寬公為辨析皆
 平反潘惟不支心則丹以死信理人所難維閩之南
 大府泉昇公撫循面則顯鋤難強梗安博鯨風颯蹕
 勢取豪索非一端不動聲氣為周旋安溪有盜勢結
 盤撞塘呼號動百千公然剽竊三十年為一郡患何
 述遭公來約束毋妄干老熊當道百獸踰一旦解刀
 耕壟間溪山淡風日閑師得其人自安如君兩
 除稱衡銓幕府坐嘯鳴化絃簡節數目致猛寬四載

終更公熟賢王尊虞誦相後先千年神劍埋山原鬱鬱
 鬱鬱夜氣生紫烟何以驗之石有鐫

秋澗先生大全文集卷第五十五

十八日校

秋澗先生大全文集卷第五十六

秋澗先生大全文集卷第五十六

秋澗先生大全文集卷第五十六
碑

大元朝列大夫秘書監丞汴梁申氏先德
碑銘并序

大德改號歲之六月越二日癸巳秘書監丞申君敬
先詣太史王某再拜而請曰推申氏遠有世緒遠我
先人學紹醫傳心存道濟惠及一方雖遭罹世故譜
牒墜逸然自高曾而下班之可考而墓隧無銘神道
闕表予小子文懼先德日遠恐泯昧將無以見于後
今粗有纂述俾昭示子孫以傳不朽者敢囑筆于下
執事某以不敏辭者再請益堅乃為論次之謹按申
氏世居汴梁曾祖諱天祿宋徽宗朝以嬰兒科供奉

內庭門以金斗為識當時稱揚醫藝精全者有金斗
申氏之目宣和末避地家秦州社樹坪祖諱良輔早
以方伎知名西土祖妣馮氏俱壽終葬天水郡顯考府
君諱仲康字西林資秉寬裕有長者風弱冠值金季
流寓陝虢間天兵下河南爰申裕間風土衍決定謀
卜築以甲寅歲東徙今遂為南陽人府君世其業禁
方秘訣夙承指授復為談洽軒岐以來其書奧妙悉
精究其理學既博伎益工在醜不矜其能活人不期
其報過客病困逆旅及貧無資者家置病寮躬進湯
劑糜粥既平復量給路費以遣之遠近注瞻以材德
兼稱如南陽富民孟氏夫婦府君以伎能起其死約
兼金乘為謝后恬然不為禮或者不平對府君詒之

曰醫以濟物為任若貪圖貨利為心豈天生俞跗保
全天闕安羸劣之意哉子無復言客嘆服而退初府
君東徙聞盧氏守將克里公賢而下士往依焉艸昧
際舉族賴保翼一夕宋寇掩至執克里而去以不屈
遇害熊耳嶺府君聞之糾合義勇者數十輩奮匍奔
赴求得其屍奠祭迄成禮兵後內外宗姻散失者眾
求訪不少置得姨之夫樵翁于申女於子穰下既孤
且寡收養終其身平生行義類此甚夥今特書其顯
著者識者謂府君為善不近于名尚義不謀其利躬
弗受祉後世其興乎以至元己巳歲季夏十有八日
考終牖下享年六十有七配宋氏系出京兆大家資
端重未嘗露嘻笑年既筭歸于我侍舅姑以孝敬聞

鞠育諸子，極于勤苦。後八年，以疾棄養，壽七十一。祔
葬南陽縣東泓河之右。薛家里子男六人，曰政、嘗、監、
郡、酒、稅。曰整、河、渠、使。曰敬、即、敬、先、曰、教、早、世、曰、敏、江、
陵、路、醫、籍、提、舉、敬、先、性、資、醇、裕、鑿、學、明、敏、切、脉、審、用、
藥、精、至、元、六、年、選、充、太、醫、
世、祖、皇、帝、巡、幸、兩、都、北、狩、東、征、典、司、藥、石、皆、侍、其、行、
嘗、于、御、前、修、製、湯、劑、品、藻、藥、性、敷、奏、有、條、理、
上、顧、而、喜、曰、汝、身、雖、小、口、甚、辯、博、又、救、治、元、妃、疾、
獲、良、愈、蒙、賜、玉、鞶、帶、白、金、有、差、至、元、廿、七、年、由、御、藥、
院、使、陞、受、朝、列、大、夫、選、丞、秘、省、旌、宿、勞、而、從、公、論、也、
自、昔、銓、衡、經、制、以、方、伎、進、者、雖、有、殊、勤、不、轉、文、武、正、
班、敬、先、讀、書、勵、行、有、士、君、子、之、操、故、膺、是、除、由、是、知、

揚歷清要，光顯于親者。越茲肇伊，敢以府君之積德
起宗，敬先之肯構，克荷者綴而銘之。銘曰：

醫師之良

本天恒德

挾藝時行

心貴專一

其視患者

罔有莫適

一盡我誠

庸表怵惕

顯允申公

秉茲良直

四世三朝

職司疢疾

神砭易形

靈丸起廢

藥惠一方

心深道劑

羸劣獲安

炯我風義

活人活國

是迺仁術

陰積孔多

陽報斯必

篤生六子

季實良器

大我醫門

學稱善繼

藥籠流光

馨融

帝室

三十年間

寵教優特

紆紫腰金

良用勸激

刻我銘章

白波蕩滴

子孫振

六脉和平

祇勤厥職

造名仙瀛

揚林山立

蒼烟故里

有煌中國

山川鴻濛

垂裕罔極

聖躬福謚

維皇念功

圖書東壁

匪汝是私

光賁丘石

獨山鬱茂

慶鍾未息

大元故奉議大夫中書兵部郎中韓君墓
碑銘并序

亡友奉議韓君之子冲既禫來謁心為愴慕有慘而未安者乃出所狀父行曰孤不天先人蚤世平時所

期者遠大扶其所有以前而車傾半道念所銜冒祛惟是發越潛德使表見於後庶存歿少有攸慰公與家府交敬而知為詳敢百拜以墓碑為請予以義以分有不得辭者遂追叙而併銘之君諱天麟字伯昌姓韓氏世為漁陽上谷人父琇為人長厚儀觀秀偉少應武舉金季嘗以勞任慶陽府司錄判官母王氏誕昆季四人以次君為第三母以克肖故尤所鍾愛長業法家學即能鬻然見頭角於輩行間師以能稱之及為郡法曹獄無大小悉心極慮必盡彼辭情而後已時有楊參軍者詐冒兵儲公易市戶事覺朝遣官來鞠逮捕者數百家弊積有年不易措手知君幹盡摘之倚辨楊既窘蹙無可得主者悉取償糴家價從

時重君曰不可盜糧者已有主名百姓初不預知今
從坐配償已是虛負取價合准出倉時估不然將有
破產不勝其弊者上官從之衆得以輕脫至元二年
辟充懷孟路從事四年勾補中書左三部令史八年
由考工轉御史臺有訴民自關陝來未經有司者議
不受君執之曰民豈不知此顧臺憲為重因而拒之
將無所控告罪彼越驀理其冤抑可也事多解釋以
能遷吏禮部員外郎遂建言隨朝掾史已有出職定
例外路吏資亦當與議使至公均被准其事行焉未
幾遷奉訓大夫出為瑞州路別駕俄起授奉議大夫
常德路宣課都提舉先是亡宋稅場濫收奇零等課
名類甚多君稔其擾曰生財有源初不在此使到官

者確之有法所獲多矣于是六色正額外一切蠲去
常人稱悅及比附上額羨果倍從時方夏官徵民負
租追呼鞭朴急于星火君就府僚與議曰今新陳未
接人餬口不給兼積欠數多非一朝可辦急則必倍
息取貸或易及男女若爾是富益巨室怨歸公家非
特于征商有所悞也稍俟秋成徵之未晚用是以停
征八番大軍道鼎民被騷甚且沮恢辦有司噤不敢
誰何君詣行闡陳說主將喜為約束之市肆賴以帖
其乘機應變輸誠濟物多類此政藉甚而課取省臺
文章薦入授奉議大夫中書兵部郎中尋被檄檢覈
河漕回次濬之劉家渡以暴疾卒實二十二年己酉
歲八月七日也享年五十有九以是年十一月壬午

葬郡西南親仁鄉康公里家瑩慶陽府君墓石從清
合也君氣志明辯有幹局善當官好持論往々出人
意表其起身立事不資藉昆弟耻踵跡人後氣之所
充力所必至卓然自見于用者蓋天性然初韓氏北
故后居衛生事微父俾之經商辭焉曰從政固所願
也及顯達分所有資悉推讓不一毫取鄉黨義之又
排難解紛樂與人為善教子讀書惟恐其不至配孺
人梁氏元帥瑞之長女生子二人曰冲從事郎太平
路經歷曰中御史臺令史繼志治家大克播構曰燕
梅童皆庶出四女已適名族者二未笄銘曰
維天生材畀世作程吏以事主尤資者能理具氣先
浩氣迥形倬彼韓鄉氣志蓬蠅閱揚歷臺閣外彪中彌

初轉栢府樂夫有行庶單厥心豈惟祥刑彼良而倂
是大僂辱千里求哀情其可恤人以法辭我為理出
不以其嫌竟直彼屈天秩有庸曾問內外由我一言
至公均被財生多源取自有體算及屢簞徒擾而已
以正以公所獲多矣倚嗟韓卿用固強矯年不志充
宜若可悼我思古人云誰盡了圖維不朽君亦少慰
子孝而賢仕涂方軌振厲光揚儘濟厥美尚餘幽光
樹石表隧揭我銘詩永勗來裔

平陽程氏先瑩碑銘

南陽府倅程君瑞不肖里閑都司趙公倩也故與定
交最早知行已頗詳為人伉朗誠直勁挺尚義而遇
事開談洞見肺腑伸吾志而已而利而害初不計卹

由是棖觸物論與時齟齬然識者以斯施不羈許之
與君契濶者餘二十載大德改號之春自武定終更
來京師僕方忝長翰林樽酒叙舊英邁之氣猶夙昔
也既而來請曰瑞始以孤童子入侍隸 昔刺謀太
子帳下逮事

定宗 憲宗時朝廷遠駐朔漠屢奉命使襄漢間為
互市官歲已未扈

世祖皇帝飛渡鄂渚戮力與宋兵戰有功蒙賜銀幣
有差及 上登極選備膳夫 車駕巡幸兩都征伐
宴搗割烹供辦蓋三十年于茲中間以軍國係重越
分肆直忤犯權倖致之縲絏瀕於不測者屢矣以辭
氣侃 事竟實無佗幸不死朝貴多其挺志弗挽奏

受忠顯校尉尚食局使又七易寒暑積前後勞官武
略將軍出知奉聖州今調同知南陽府事自惟愚忠
朴直餘將無有供奉 闕庭寵膺民社秩中通貴竭
誠圖報之念日深一日奈桑榆景迫年與時馳而追
遠返本之懷朝夕是切相嘗僑居即是將起新阡奉
安考妣神靈又諗登仕版家先世塋域例有碑誌况
東西南北之人表識之建尤為切務俾子孫繼嗣
拜掃考其世系鄉里適追來孝免夫有旌紀寐慕之嘆
尚吾友惠顧賜之銘則程氏為不朽矣某以契舊且
素賞其方槩迺為書程之先代世為平陽洪洞縣李
村農家曾祖大父俱逸名諱所可知者曾祖生子四
人祖弟三子也金末以勞効嘗攝行本縣令有子玉

房行第八暨第九郎其亂商尚守遺業玉即瑞之父也府君慷慨重然諾風義矯矯有無與眾共之貞祐兵亂以武幹保完墟落

國朝壬午歲迎降

太祖皇帝從攻鳳翔用憤敵功總西京壬午年三十

有九以疾終夫人曹氏出扶風宦族生子五人曰實

曰瑞即武略君曰西京曰當僧曰千兒實之子懷驢

職庖人氏次曰伴驢武略之子曰靈童新阡之北建

于彰德府湯陰縣之北蘭里實大德戊戌歲某月日

也仍為發先世之潛德懿行与武略之挺志顯親者

為之銘俾光貴新壠昭示來者云其辭曰

維農秉志

篤子儉勤

服田力穡

鍾氣之醇

積厚種邁

嘉祥自甄

何以為驗

慶流子孫

猗歎程氏

植本浚源

藹三風義

超越同倫

由農而士

奮起艱屯

克昌再世

攀附鳳麟

愚忠朴直

祇奉嚴宸

典司玉食

三十餘春

名喧禁籞

僉曰蓋臣

付之民社

賞其勞勲

貳車五馬

阜蓋朱輪

大侈寵數

顯揚其親

有鬱者阡

羨里北原

先融松楸

銘勒貞珉

何以訓之

孝義忠純

昭示不忘

垂裕後昆

大元故清和妙道廣化真人玄門掌教大

宗師尹公道行碑銘并序

道之大原出于自然而隆而汙繫夫世運顧人力有不能致者如甘河之異見于西秦崑崙之氣表于東海自非素鍾仙分價重一時疇克輔承者哉金貞元正隆間重陽王尊師始倡全真教法逮長春丘公應期濟度道乃大行風聲洋溢丕冒海隅至于靜涵道幾動周妙用驟在馭之孤標謁龍庭于萬里絕塵而下稱繼述之善者我清和尹公其人也師諱志平字太和系橫海華胄大父而上世以儒業擢進士第歷郡守者凡七人因宦游東萊遂占籍焉祖公真父誼皆融德不耀樂施與鄉黨以善人稱師生金大定己丑初母氏夢羽儀擁道若仙官迎謁者寤而誕

師有瑞光盈庭之異既長資穎悟不凡杳然恭定了知生前事讀書日記千言及冠行遇道士自關右來約師同詣文登醮祭歛失所在但見羽流乘白龜化現空際師懍恍感遇信道愈篤既而潛訪長生師于洛京父母數追止之至鎖閉靜室無幾遁去寓昌邑之西菴道家者流以禁睡眠謂之消陰魔嘗坐樹蔭下一夕假寐間見長生師厲聲曰嚮祖師未化妝尚未悟邪遂揮刃斷其首剖其腹滌易鄙俗去其自滿由是胸臆洞然靡有所惑二親知志已奪始聽入道明昌辛亥春長春公于棲霞遂執弟子禮久之偉其有受道資盡以玄妙付之曰吾性靈明如鑑不受垢常切瑩拭以湛吾天自是日有所得又問易原于太

古傳錄法于玉陽鍊習內精聲光外白遠近尊禮戶
外之屢滿矣。維揚州將完顏龍虎素慕真風奉亭圃
為菴尋賜額曰玉清觀師佩上清大洞符籙主盟齊
東者廿寒暑長春聞之喜曰吾宗教托付今見人矣
大元己卯歲
太祖聖武皇帝遣使宜劉仲祿起長春于寧海之崑
崙山聞師為其上足假道于濼以見之遂同宣
詔旨先是金宋交聘公堅卧不起至是師請曰道其
將行開化度人今其時矣長春為肯首決意北覲選
道行純備者十有八人從行師為之冠致 睿眷隆
渥玄風遠倡師羽翼彌成之功為多歲癸未長春還
燕主太極宮師雅志閑適退居縉雲秋陽觀俄徙德

興之龍陽長春仙去命公嗣主玄教即建處順堂于
白雲觀奉藏邱公仙蜕壬申四月
太宗鑾輅南還師迎謁于保賜坐論道慰諭者久之
翼日 后妃臨幸祝香琳宇錫道經一箴自是四方
學者輻湊堂下歸依恭叩于 而來唯恐其後師摘
要訣誨之曰修行之害食睡色三欲為重多食即多
睡、多情欲所由生人莫不知少能行之者必欲制
之先減睡欲日就月將則清明在躬昏濁之氣自將
不生向上達者率自此出人徒知從心為快不悟制
得此心有無窮真樂也癸巳冬十月講道經上下篇
于義州通仙觀微辭奧義大有發明及演七真造道
根源殊洒然也聞者為洗心鑿巫閭為燕遼鎮山深

秀雄鬱必有弘演博火真人往來其間甲午春師往
遊焉先是瑞氣葱鬱封鎖不散者浹旬至是開霽衆
以為山靈開先之兆師謝曰吾何德以當之終南祖
師煉化地號活死人墓者蕪沒日久仙柩浮殯朝夕
念茲若筑在疚乙未春閏輔略定師西游併圖營
建又興復佑德雲臺二觀太平宗聖太一華清四宮
以翼祖觀初道出汾晉沁長杜德康請設醮綵章方
啟玄雀翔空仙侶散壇時雨濟旱丙申秋奉
旨試經雲中度千人為道士俾祈天永命禔福元
師德望既隆所至風動雲委吏民瞻拜至充悍無賴
輩皆感化弭服戊戌師壽七秩以教門事付真常李
公康子秋葵祖師于白雲堂會送者數萬人時久旱

雨雪盈尺咸謂孝誠所致繼董祖菴儼功尋敕額
曰十方大重陽萬壽宮初大定七年祖師火其菴東
游或惜之曰修人在後吾何亟焉至是殿閣廊廡覆
整千柱終始六甲昭合祖意誠有數存乎秋九月歸
五華舊隱己酉賜號清和演道至德真人金冠錦帔
付焉辛亥春二月十有一日沐浴易衣冠書頌曰觀
化八十三歲澹薄全真活計臨行踏破虛空開放光
明無際落筆而逝馨芬滿室三日不散臨死生際其
明了如是師既示化以皓駒輿襯寧神五華其日終
南祖觀有一道士乘白馬來告清和去世竟不知所
之後訃音至考驗月日知為神遊化現吁亦異哉師
儀觀秀偉風度凝重如瑞人神士不可梯接然即之

春風和氣津、溢眉宇間、樂傾所得、誨誘不倦、志顯
 利物、感應無方、如在濰陽、松柏不種、自生、其寓仙谷
 叢竹、一符卦數、學徒徧四方、觀宇滿天下、德博道尊、
 過化存神之妙、不能具載、皆出于至誠、感發無一毫
 作為之私、宜乎傳嗣道統、配列師真、上繼長春、下授
 真常、前後無媿、可謂清而不耀、和而不流、克肖克荷、
 玄之又玄者矣、師平昔所在、求詩頌、教戒者無虛日、
 肆筆應答、辭理可觀、有葆光集、北遊錄、傳于世、中統
 建元、誠明張公表、師行業于朝、追謚清和妙道、廣化
 真人、制辭有性、天開朗心地、坦夷、接重陽道統之傳、
 為長春門人之冠、宜錫褒章、永光仙籍之旨、始終昭
 顯矣、法孫陳德定、出延安士族、師事真人、門弟子重

陽知官仇志隆、以修進餘力、祭醮符籙、皆通習之、居
 終南四十餘年、潔以脩己、耕而後食、處崑穴間、妖魔
 屢梗、德定以正法神力、悉驅除之、由是名著秦雍、至
 元廿七年、耀州少尹姚某、以聞蒙
 世祖文武皇帝、召至闕下、試驗有徵、寵膺玉帛、貂衣
 之賚、元貞二年、賜號棲玄致道通真法師、三年、宣授
 秦蜀道教提點、踵門來請曰、德定自惟托跡艸茅、何
 以致此、蓋遠藉先廕、思効光揚、師祖清和公之返真、
 侍郎趙楠、已表松臺、祖菴之復、寔所權輿、今紀行之
 碑、未克昭建、是殆闕如、提點溫某等五人、已礮樂石、幸
 翰長先生惠之銘、是亦不一書而止之意也、予曰、有
 是我探源報本、乃吾儒美事、道雖不同、其理弗異、乃

次其所具而重之以銘其辭曰
天之蒼蒼一氣清
真元有道本強名
甘河感遇垂已驚
七葉泛滉金蓮英
崑崙山高古蓬瀛
雀馭九萬搏雲鵬
為民請命以道寧
十八大弟光啟行
清和進脩純粹精
潔已應物謙而誠
事唯無心物取衡

其視下也猶杳冥
俾而全之須人弘
風聲波動東海溟
至人挺出開玄程
長春再傳何德馨
雷雨之動方滿盈
維持綱紀誰使令
邱仙一笑溘上征
傳授道統力主盟
拱壁駟馬非夸矜
尹家樓觀青雲城

開天演化玄元經
縱說豎說鍊此形
陰魔大嚼風掩燈
顛木之枿不少萌
志惟不分神乃凝
用之國治如鮮烹
終南太華高稜層
竹宮醮祀儲祥禎
錫民五福世道平
一朝猗蘭升紫庭
物緣太盛神或憎
穀神不死存至靈

全之為教迺大明
方寸莫遣三害櫻
嗜慾一肆甚五兵
昏濁之氣何由生
大賢大哲皆此成
重陽祖菴功勃興
玄風浩、海宇傾
雨暘下遂萬物情
穰、復正德往窳
仙階霞帔光晶、
進退合正聖所稱
未妨妾蛻仙山堦

瓊樓石室戶不高
道傳千古垂日星
令威畱語會有徵

神遊八表風冷
門人攀慕涕泗零
茲惟華表歸來銘

衛州創建紫極宮碑銘

維衛紫極道宮全真師冲虛子房公所創建也初公
既參邱尊師於海上長春目其氣志非凡殊稱異之
居無幾何命公^主生馬坊之清真觀迨國朝壬寅歲
聊攝趙侯請師住持郡之玄都宮于是宦馭東遊道
出散邑汲長趙寔扈林聞師道價重一時以治城崇
道里隙地廣六十舉武縱則倍之奉師為玄覽別館
訖然許焉輟其徒張志洞等結茆以居嘗闕地得石
上刻宋太宰張邦昌詩什知為吳越錢氏子孫棣華

庵故基也師留博僅紀而西還淇上方履滿戶外每
以居逸教先為慮曰集其徒而告曰吾大方家雖清
虛自然為宗要以應時衍化為重詎容山林長往歸
潔一已乎且吾行天下多矣未若衛之土中而處會
俗美而易化不于焉闡吾教尚何往然祝延寶供香
火焚修之所非大壯麗不足以張皇教基竦道俗瞻
敬之心也迺命門徒孟志玄趙志朴率眾下商洛之
材跋涉艱阻以歲月得木萬計遂建宮殿七鉅楹內
設三清大像示至道之原也中起通明觀以奉玉
皇黼宸欽天帝之尊也後復作七真殿五筵叙列仙
品見玄教之傳也下至壇埤神闈齋室庖福廡庫蔬
圃莫不畢舉師素負巧思志堅而氣充規撫位置意

匠中定不待畫官于堵而為執用者之法。要使堅完
鞏固為數百年物。尋師委蛻仙去。遺命志朴等曰。今
大功將集。無以吾存歿而作有間。勉強前修。以卒吾
志。故志朴等三十年間。焦心勞思。攻苦食淡。繼述師
訓。猶一日然。今則繪彩供帳。截然一新。金光五雲。絢
爛溢目。宏麗靖深。為一方偉觀。其工費之廣。自力其
力。初不外假。而衆忘勞焉。寔經始于壬子之春。迨至
元甲申秋。工告迄功。志朴乃伴右師之行業。與夫興
造本末。踵門磬折。謁于文者。再。余以鄉梓盛蹟。且與
師有玄談之雅。勉為叙次之。師諱志起。濰州昌邑人。
幼業儒。既而以異夢有覺。遂入道。為人氣貌魁奇。操
行清峻。通古今。善篆籀。樂與名士大夫遊。至于醮祭之

獲福。雲雀之顯異。所在驚動世之耳目者。為多。遺山
謂師外朴而內敏。質直而尚義。似夫墨名而儒實者。
蓋確論云。宜其事業成就如此。至元戊寅。志朴以師
德請于朝。蒙敕定仙號曰弘真。體靜真人。若志
朴者。于師弟子之禮。始終盡矣。尚猶以師不覩道緣
大成為歆。予慰之曰。不然。昔真人舍清真而遊博。去
博而終。稅駕于衛。今雖神遊無方。其眷戀于此也。必
矣。況共衛間。名山勝境。固為小有洞天。如玄元化現
于仙山。公和舒嘯于蘇門。海蟾留題于白雀。仙蹤靈
既。前後接踵。見于方志。雜出于傳記之說者。昭矣。
異時。取風騎氣。追陪真仙。安知不過故山。而畱語俯
華表。而增懷。而為孫劉絕塵之舉也。邪。仍作歌詩。詳

見師志，俾刻諸樂石，雖綿亘千祀，庶幾來者有所考焉。其辭曰：

道家者流，本靜清。密慈尚儉，貴不爭。有時土苴為甚，程像緣教設，雖強名。猗嗟先生起，營陵至人未免安，僚行方花古礎排，巨楹群仙媿，統須皇靈。先生演化意，有微庶用張，本道可興。

紫垣落：羅天星。後孰倦焉先，此營陰助政治，歌清寧。

紫雲為益，青雲城。河山兩戒，磴金庭。魁偉德業，玄門英。雄樓傑觀，爭崢嶸。祈禳醮祭，由是生。茲乃黃老之常經。杳冥而無迹，與形。

大緣未竟，歎上昇。歲繁月積，大有成。仙宮洞房，本不高。來過故國，宜少停。追攀逸駕，非吾能。風時雨若，穀不螟。我詩刻石，何干齡。

門人攀慕，涕雨零。惜不久視，為宗盟。神遊八表，風冷。紫極夜氣，開蓬瀛。尚想為國，儲休禎。下洗洗俗，還淳誠。要作華表，歸來銘。

秋澗先生大全文集卷第五十六

秋澗先生大全文集卷第五十七

碑

輝州重修玉虛觀碑

嘉平道士介練師范君執禮幣來謁拜而請曰弊觀
 在蕪門顧惟狹陋然歷年久實為自昔者名額敢託斯
 文俾見興造本末暨師真住持所自用傳不朽迺宿
 昔所願言幸憲使惠顧越為光有赫按所具事狀州
 西郭曰州市城北走出廣薪門百舉武有觀曰玉虛
 攷其肇基蓋始于前宋政和間所建大定初仍賜今
 額為正殿一旁小殿二中設三清四聖元辰等像函
 丈後列神閣前敞下至真官齋壇賓客庖庫之位咸
 叙而即宜承平久法供大行鐘磬齋魚之音隱然聞

廿五日校

山水間蔚為共前儲祥勝地壬癸兵餘日就荒落厥
後清虛弘道真人來主治之月殿星壇稍復于舊尋
冷公西歸屬之通妙嚴君顯奉師訓惟恪乃創水磴
稻田褚莊等業雖罄刮衣孟資贍徒侶大有方便丙
申冬嚴既示化真人致慮弘深台上足通真師梁志
一謂曰玉虛道場貌尔于共今繕修頗完資用苟有
第道匪人弘何以行遠矧共山群彥所集半為方外
眷屬微汝曷克洞玉清之虛靜承文獻之顧接哉於
是唯而來嗣飭治焚修其用充儼已有者守之日固
方來者增而歲新復于百泉西涯買田數畝築致齋
亭貯經史植松竹號嘉惠別館娛言一室因間儒墨
暇則鼓琴詠歌將以挹蟾房之景氣接鸞鳳之遺音

豈惟與泉石而為伍也雪齋姚公愛其幽勝亦嘗徜徉其間與師為蒼烟寂寞之友傳曰尚友知人梁之為道槩可見矣既而師倦勤盡以後事付高弟道燦燦為人姿既秀氣爽而象恭志繼而本立守護傳業惟恐墜越其徒稱之曰能燦姓張氏自童行入道今三十六年矣嘗觀道家說有玉清玉虛等號亦猶天有九霄神霄為最高然冲而用之于道體何在是固老子法虛心寔腹守為清修要者蓋心不虛則道無以入物無以容教無以受而腹無以充矣坐進之功苟疎凝存之理或熄若道燦者法壽方尔主治院門甚力至于接外務崇本宗誠能中虛而應物以道腹而充腹者焉正自師祖師梁庸玉汝于成之旨也若

然則其為後來紀綱是者矜而式之繼為不朽無窮之傳也必矣仍為門人作詩俾歸來望思以極道真之本其辭曰

蒼々共巖桂連蹇方有烏弔懷仙遊遠号山空日寒
悵疊嶽号官居粒食思展轉号遐想仙標玉雪質号
形車載花紅一色号醉鞭星馭金虬蜿号糝糠塵世
宅間苑号嗟々堪輿一烘炉号往古來今燁無餘号
世外無物須人徒号割滌玄覽歸靜虛号服餌節飲
差少瘡号弱志强骨壽吾軀号庶幾真筌師同符号噫

大元國大都創建天慶寺碑銘并序

大雄氏之為教如慈雲慧日覆情無際惟得其人道乃大行官居像設亦從而熾盛之我

國家鼎定全燕教隆內典故精藍勝刹粧嚴寶界金碧相望有佛國大乘氣象維永泰寺肇基自遼弥陀者泰之別院也大安兵燹廢撤不存鞠為茂草者五十餘年 大元至元壬申有僧雪堂者始來結菴而主之先是師業嗣法猶窟潜天德以經戒嚴機鋒峻越在雲朔名動京師嘗假息間有以天慶名所棲而告之者初不諭其故既而有駙馬高唐郡王聞師名德喜之既觀止即依慈蔭如真詮師順事 方日有所覺以至承嗔獲譴非罪而罹苦毒者因師一言多所縱釋其後王請師住豐之法藏院仍贈貝錦法衣用著顯異尋以道行 上聞有詔所在護持及觀光大都郡王延出重幣易是院為師待問駐錫之所与其徒

奉香火修潔精進而已。至于建大道場，擴充無量功德，蓋遵養而有俟也。逮甲申冬，皇孫緝組麻刺，以師持誦保登，故欲辟靜室處之。官府辦不可，翼日出貨泉二千五百緡，泊名驛二，仍諭留守段禎，庶事丞張九思，即所居，庀徒歲事，起三大士正殿，丈室七，巨楹下至門閭，庖福賓客之所，略皆完美。始于乙酉之春，成于丙戌秋仲，後初作闕地，得廢鍾，所刻天慶二字，考之蓋有遼建號也。事夢既協，即為新寺名額。于是倚碎像于金光，沸潮音于空際，有來諸天，普臨雙樹。顧謚永泰，廢餘，復為清涼法觀矣。後三歲，奉皇孫奩香禮，江浙名刹，起造藏經，師冒涉江湖，往返萬里，存神過化，高風所及，奔走供養，且有金仙通靈。

伽藍主護之應，吁亦異哉。凡得經四藏，計二萬八千餘卷，分貯大都之開泰、天慶、汴洛之惠安、法祥，及永豐、法藏院，仍以法物付之，使人無南北通暢玄風，壽聖皇贊寶緒，天花雨紛，梵唱雷動，日開八方之供者。此師之所圖維也。宜其經求神衛，號應基先，雖老栢重榮，神松回指，有不是過者，遂不千里遠，持待制王之綱事狀，以寺碑來，請曰：山僧空疎，無足比數，以義以契，尚憲使與顧，以銘章，貺之始終之願，畢矣。予以師意，儒學有器識，所交皆藩維大臣，文武豪士，緩急於士大夫，周旋不榮悴，間解紛振乏，要有寔效。然去來其間，殆雲凝而風休也。嘗即寺雅集，自鹿菴左山二大老已下，至野齋東林，凡一十九人，作為文字道。

其不凡時方之廬阜蓮社云是亦將因儒釋僧之特
達者也宜其行業成就如此固可以著金石而垂不
朽矣師諱普仁字仲山姓張氏雪堂其道號也世為
許昌人父世榮官至豐州司錄叅軍母夾谷氏師生
有禎祥甫毀齒不葷酒齋初祝髮于壽峰湛老丹具
戒于竹林雲和尚及叅永春贊公一見器異即蒙印
可至有機鋒洒落瑩徹冰輪頭角峥嵘光騰星緯之
諭贊派出臨濟第而上之師乃慧照十九代孫也過
鎮陽樹碑表行濬源接派以昭其本于尊祖追遠光
又赫焉余嘗論天下之事雖小大有殊疇酢注措皆
有本末就釋氏教論之佛法者本也塔廟者末也崇
其末而遺其本求進于道亦以難矣若師也可謂持

用有方審所先後者哉乃隨喜讚歎而作偈曰
道之大原出於天
扶持有術繫後傳
奪攘矯虔紛目前
慈愍濟度心為先
沉溺苦海甘流連
以法為柁經為舩
火宅變幻生青蓮
具香湏滿黃金田
豈為頭角爭昂軒
重與震旦開經筵
佛界珠網搖秋烟

物生而靜乃本然
惟聖日遠湮其言
佛乘自西來竺軌
衆生迷惑不知覺
人之安得以手齊
奉持頓戴破黑業
龍宮紺殿儘瞻禮
阿師振錫下南海
向來四萬八千偈
燕豐汴洛還舊貫
群昏再曉棲至善

如夢日月金沙淵
未若此舉思無邊

漢人得經總四十
功圓行滿師不有

歸之
帝孫祈永年

八方奠枕磐石靖

天子萬壽南山堅

聖孫神子麗不億

惟城惟藩漫惟宣

歸來文室炷香坐

但覺鐘鼓清而圓

從此婆羅雙樹底

知師澄定艸鞋禪

大都路灤州隆禧觀碑銘

灤州距今新都東南百里而近本漢泉州地遼為鎮
而亡金縣焉兵後井邑蕭索僅存縣治原隰平衍渾
流芳沍映帶左右建元己來春水澄融之際上每事

羽獵歲嘗駐蹕民庶觀羽旄之光臨樂遊豫之有賴

故生聚市闕旋踵成趣至元十有三年遂陞縣為州

從吏民之請也爰有道館據城之西北維亦由是而

修崇焉住持圓素大師劉志實者許之長葛人夙秉

淋真自童行入道師希真劉志永即長春邱公高

弟清虛韓志谷一丹傳也初師永誅笏于都之東郊

刻心坐忘凝塵空窳者十年盤山玉樓雲道價高一

時歆其清修枉道造謁自號麻衣老壽八十有四怡

然而逝師之在弟子列也侍晨昏服勤勞人所不堪

已自若也積寒暑三紀猶一日然麻衣見其持守不

易皮毛盡而真實在可與有立于是以通真觀屬院

曰玉晨菴者令主張是戊午間誠明真人愛其地佳

而氣腴嘯之增建以應有開之先始焉荒屋二十餘
畝敝屋數間蔽風雨而已師乃以和光同塵朴實感
物為方至一鄉欽嚮願言信施有不期然而然者助
益既多功用漸集遂起三清殿繪玄聖于堵所謂上
九位者居其中又畫日月星官歲德師聖岳瀆等神
列侍兩傍雲舒霞蔚影彩絢目殆玄象肇分端倪呈
露下至嚴裡有壇靜棲有室凡所需皆具以屋而計
者三十楹歲時清供真仙來臨鐘磬之音隱然空際
誠迎祥之別館一方之榮觀也既落成洞明宗師以
今名榜之及玄逸真人張公嗣教嘉師之勤命書石
以昭厥後遂介鍊師劉文甫來請銘予以謂肯心而
構易固而新豈唯瞻者增敬其曰眾成功同延慶壽

答鴻林而畢師志使來者祝嚴圖同逸而隆福降簡穰
之本是固所當書者仍以黃庭七言體歌以系焉其
辭曰

道家者流玄默稱
屋居火食相奉承
疇不若尔休其生
仍用善俗滋良萌
玉晨有庵無所營
一旦締結三十楹
正自首構今有成
為國迎祥禱上清
延芳春水紛霓旌

抱持其雌無所矜
鳶飛戾天魚在泓
爰因像設心自競
潯州維南泉故城
敝廬數間僅懔懔
烟光粼粼萬瓦青
要擴師授昭予誠
鑿與歲幸寔省耕
遊豫何翅敬三登

千秋萬歲樂事并
隆禧因之播永馨
安知不有成公興

道人百拜乞此銘
雲間歎賞聞懷聲

大元故關西軍儲大使呂公神道碑銘

盡瘁以事上忠也守志以完節貞也忠貞之澤流潤
後人俾功名奕葉富貴一時而親弗逮者天也故聖
人垂光揚之典可以貫幽明而慰存沒斯亦孝之至
義之盡也若夫負卓越之奇材抱騫騰之逸志起家
侍從收功轉漕臺閣藉風雲之舊門庭眩組綬之榮
始以故家遺俗終以令聞合望振門閥而紹先猷者
吾于遂城呂氏見之矣呂氏世為燕陲鉅族值金季
槍攘譜牒墜逸高魯而下漫不可昭穆公諱嗣慶字

昌齡考諱祐仕

皇元由行尚書省掾充諸路人匠府總管妣李氏公
幼喜讀書不從群兒嬉既冠氣貌魁傑學通經史善
騎射長于辭令思以奇節偉論表見于世恥齷齪出
人後時朝廷遠控北樓詔龍門劉公元帥黃公
行臺于燕柄用頗頗決公策時務所急及便益民編
者十數事以撼二公果奇其材識以國士許焉既而
挈之北覲引現

太宗皇帝薦其材應時需堪備供奉

上偉其儀觀收隸御帳下碌初無所知名居無幾
何譯語國體閑習通曉如素宦于朝者由是稍得近
侍上前公資聰悟應對周旋動協睿意自爾顧遇

頗異出入殿庭寒暑夙暮十載間謹畏小心未嘗易
常度上審其可用命提點尚食局事國朝大事
曰征伐曰蒐狩曰宴饗三者而已雖失廟謨定國論
亦在于樽俎饜飫之際故典司玉食供億燕犒職掌
視前古為重凡群臣預御術者冠珮服色例一體不
混殺號曰只孫必經賜茲服者方獲預斯宴于以別
臣庶疎近之殊若古命服之制公前後被賜只孫錦
服十餘襲寵數之隆于斯可見歲己未
憲宗下詔伐宋車駕由隴山道漢蜀趣合州之釣魚
山大兵既興糧餉為大計庭議推公宜膺將漕乃降
璽書金符充關西興利軍儲大使公轉致有方給授
均一士無飢餒之色民寬飛輓之勞竟用勤劬致疾

以庚申年正月廿四日卒于京兆府官舍得年四十
有三歸葬隧武之西原從祖窳也公資侷儻有大志
奉 上忠事親孝交友誠進不隱謀退無私議古今
成敗胸中皎然吻縱波濤屢中倫慮林優器幹事
無盤錯督力方剛經營伊始謂利澤施于人功名昭
于時可力致也一旦濟活浩之長川中流舵折涉漫
漫之遠路半道車傾士論于焉為之歎惜夫人王氏
系保定大家姿溫恭靜泚公沒之歲纔廿有八舅總
匠府君尚在堂二子方髻亂挺志自誓仰事俯鞠元
起夫宗為任遂嚴奉舅孀壽終八秩教育二子至于
成人為長子澍娶金名臣追謚通憲先生梁公孫女
今以才華英邁練達政務任樞幕經歷為次子淵娶

漕僚清苑王君仲女資秉幹敏，隸萼輝映，任承事郎。管勾中書承發司，昆季造名朝籍，校世宦故家，不失舊物，皆由夫人節義有方，以之扶持者也。姻戚鄉閭，至援稱行美，取為訓範。女一人，適大都郝氏，孫五人。澍之子道安，女惠鸞，淵之子定安，季安，賜安，壽五十。一終于大都私居之正寢，越三日，祔安玄堂。實至元八年十一月十六日也。澍既長樞幕，秩中通貴，一日與弟淵謀曰：「今粗有所立，猥荷析薪，可不知其所自邪？惟我先人大志不遂，賈恨下泉。妣貞幹內事克隆，遺緒潛德，遺泚大懼，墜佚有求，銘太史，揭石神道，賁松楸，而垂示不朽，融管彤而發越幽光，罔極之恩，庶幾昭報，迺以不腆之文，來請其自，惟昔任裏行，與澍

婦翁孝可定交時，澍方聯姻，自是友義日篤。于今三紀，以契以舊，有不得辭者，謹掇其義，烈言以振衰風，而厲薄俗者，銘之。其辭曰：

維趙北際，而燕與并。游談尚氣，資秉忠貞。文武備具，已為世驚。入侍帷幄，寵數光榮。大駕南征，如雷如霆。保為名城，越此兩間。芥拾功名，濟以學問。富之邦經，一朝麟趾。即允帝情，仿商有道。囊錐脫穎，來儀紫庭。錦衣分賚，奚翅割烹。食惟兵本，風聲氣習。古多豪英，矯：呂侯。又多藝能，

以先啟行
民安飛輓
以經以營
一債不起
有來英靈
化之閨壺
若綬影纓
顯揚有例
雞距東傾
葵復從祖
永振嘉聲
其言有徵

曰轉曰潛
師樂均平
鵬圖海運
其孰使令
不隨朝露
義烈烝
婉：幕畫
聖經義明
武隧西原
多祉是膺
古所謂不于其身而在于子孫者
何以驗之

職焉汝勝
心計鞭笞
九萬初程
秦川慘澹
溘焉替零
二子承慶
執樞之衡
即峯西峙
風水攸寧
元身不歿
視我刺銘

大元故昭勇大將軍北京路總管兼本路
諸軍與魯總管王公神道碑銘并序

國家當肇造際所在豪傑應期効順卑世侯疊將鎮
據一方父死子繼无沒弟及蹈故步而執成規固自
若也逮夫守成尚文登庸賢俊通遷調而革舊襲明
治道而考殊功所謂闕閱子弟持宗高之體不學無
術噤不能有所施為備員而尸祿者多矣論其籍父
祖之緒餘卓爾以才傑著聞膺朝廷之選遴謁然稱
為良牧伯者誰乎予于孤竹王公見之矣公諱遵字
成之世家平州之遷安縣祖諱誥亡金貞祐初任興
平軍節度幕官攝府事方
元經略中夏

上太弟國王奉命率兵出榆關循盧龍塞而南雷砮
電激所向無前府君審天命之眷臨憫生民之塗炭
遂摯二州五縣版圖投獻轅門王嘉其忠赤首倡大
義即聞于
太祖聖武皇帝蒙授榮祿大夫興平路兵馬都總管
知興平府事尋錫金虎符加左副元帥兼安撫使父
諱德明字才卿早嗣世爵屬遼右初定撫養遺黎職
修藩翰光奕先業為公幼穎悟好讀書年未弱冠入
侍藩邸即能練習國體通曉譯語及長資沉毅負高
氣所交皆一時豪傑立志宏遠恥碌碌隨人後歲戊
申襲父職仍佩金虎符公自祇承先政夙夜惴惴惟
恐失墜視民事為難不敢忽易遇政令之不便時俗

之未安思而不置憂形于色必咨訪更張俾理順事
得而後已未嘗恣情耽于游宴二十年間猶一日然
咸謂臧孫有後子魯榮祿之澤未艾也辛亥歲入覲
憲宗授本路總管兼萬戶俾專兵民之政殊光寵也
世祖皇帝踐祚分朔南為十路肇建總管府以公奕
世材賢授平灤路總管換佩金虎符且有奉公忘私
當副所委之諭至元乙丑轉官制行授懷遠大將軍
知中山府事三年陞昭勇大將軍彰德路總管六年
改懷遠大將軍總尹順德路九年復昭勇大將軍升
授大原路總管兼府尹本路諸軍奧魯總管十四年
遷北京路總管兼大定府尹以疾不赴廿一年上章
致仕日與故交雅士用琴書棋檯相娛樂序宿好暢

幽情裕如也不幸于至元廿五年正月廿有七日薨于私第之正寢享年六十有西越七日葬于遷安縣東石橋西原祖塋之次夫人安氏山東之西苜路宣撫使安公之女和柔貞順光備婦道今壽登期願夫人高氏出盧龍處士家資賢明勤于內助主持家務營辦公喪預有力焉子男五人曰國彥蔚州採木提舉曰國傑俱先公沒曰國英不仕曰國士早卒曰居仁高所出忠翊校尉湯陰縣尹子女三人長適宋氏次畢氏嚴氏男孫三人不花永興公資雅重智慮周密奉上忠接下有禮善養名馬識別鷹隼衣冠修潔車從閑雅有承平豪貴風度人徒知氣習體貌移養如是而已不知其當官蒞政持法謹嚴聽斷明

察以公正自處凜然有不可犯之色務要紀綱立號令行其治相尹并皆監司理所工匠群不逞之所集公與辨曲直折姦橫不絲髮貸同僚以相假藉示并容為言曰為之在我者當如是因公道而致私憾吾不恤也雖時不相能後竟以事直而心服焉所至興修廣學尊禮師儒崇禮讓而抑豪強致差賦辦集民安俗阜然恂幅無華不示裱褙持守剛果終始如一故治績混然不可指摘有古良吏風當中統至元間聖天子厲精政事以成效責中書一時宰輔皆極老成選咸謂素無選舉篤責之漸惟師帥得人上澤可下宣下情可上達庶幾德化之成太平有象矣故各略總尹慎擇其人至有虛曠歲月不肯輕以畀受者

公之擢拜，遠丁茲時，故四歷名郡，兩增崇資，皆出公論之所在。卒以稱職聞，已足以伸眉高談，有光故家。含笑瞑目，無愧先世矣。公既葬之十載，嗣子居仁，念潛德遺懿，恐遂湮沒，聞不肖久忝太史，屢銘當代名公貴人，乃件右事狀，請碑其神道，向公移鎮洹上，不肖適退居淇右，相衛之交，相去不百里，逮尹晉陽，亦判平水幕，汾晉兩府南北相望，故稔知其政績。後以迎迓事南來，會遇于張少尹吳公館，張與公為風雲故契，談其家世行已為詳，是則今日論述，已有開先之兆矣。敢勉為次第，而重之以辭，銘曰：

自昔用武地，必爭
 夾右碣石山海局。
 今遼西惟漢右北平，
 蔡榆關北控盧龍橫。

沉雄氣鬱貫斗精，
 天兵南下轟雷霆。
 惟先奮效忠與貞，
 王師迎
 寒谷陡覺春陽生，
 載世柄總民與兵。
 鷗鵬變化天東溟，
 修文偃武論治經。
 罷侯置守除因仍，
 漢工千石任可勝。
 刺裁錯節需鋒稜，
 大綱既振道自弘。

王公孕秀時之英，
 群情洵孰敢櫻。
 玄黃于篚
 兩州千里不震驚，
 風雲儼景同翻騰。
 一朝繩武光嗣承，
 六合澄清朝日升。
 唐虞黜陟公幽明，
 德讓凜望久凝。
 政刑相時量重輕，
 善良與護姦惡懲。
 興庠育材昭世程。

吏畏民愛風化行
趙張才氣恥近名
庶幾無忝先業榮
勤勞致疾孰使令
嗣惟克省乎孝誠
蔽芾用播甘棠聲
墮淚當與征南并

歷典四郡稱循能
白頭一節匪變更
世期福壽方川增
生存華屋邱山零
銀鈎翠琰勒我銘
遺黎伏讀為愴情

秋澗先生大全文集卷第五十七

同日又校

秋澗先生大全文集卷第五十八

碑

渾源劉氏世德碑銘并序

金源氏崛起海東當天會間方域甫定即設科取士
急于得賢故文風振而人材輩出治具張而紀綱不
紊有國雖餘百年典章文物至比隆唐宋之盛若夫
篤志力學挾藝應選首破天荒魁冠多士父子昆季
相繼擢第為名士夫作良牧守文行端雅門第清峻
為金朝第一流者其惟渾源劉氏乎劉氏出彭城望
族五季板蕩播遷朔土遼末遠祖諱用者居弘州順
聖縣之耀武閔世業耕稼生子翰贈承德郎配張氏
追封彭城郡太君生撫字仲謙即今監察御史鄰之

高祖也始釋耒耜習進士業當遼金革命擾攘際學
未嘗一日廢天會二年肇闢科場公以詞賦第一人
中選惟遼以科舉為儒學極致文體靡靡萎蕩視晚
唐五代尤為卑下公勵精種學文辭卓然天成妙絕
當世一掃假貨剝切牽合補綴之弊其後學者如孟
宗獻趙樞張景仁鄭子昉皆取法焉金國一代詞學
精切得人為盛由公有以振而起之也釋褐右拾遺
轉知天城陽曲懷仁三縣擢大理正遷平陽府判官
安東節度副使兩貳大理寺出刺石州累官中大夫
年六十三卒于位翰林學士張景仁碑其神道公性
淳厚見義固執待物誠好誘掖後進三為理官議獄
主恕不屈于權貴故多平反尤長于治民興利除害

若嗜慾然施設有條理簡便可持久所去見思圖形
奉事素愛渾源山水幽勝買田家馬晚號南山翁夫
人渾源雷氏北京轉運使思之女封彭城郡君生四
子曰汲曰渭曰滂早世曰濬汲字伯深穎悟絕人早
傳家學與弟渭同擢天德三年進士屢為州縣有聲
累官朝散大夫應奉翰林文字西京路轉運司都句
判官平生寡合不羈慕郭林宗黃犂度之為人晚節
倦于游宦放浪山水間以遣興讀書為樂稱西崑子
述壽歲記叙其行已甚悉卒年五十八鄆王府文學
陳訥銘其墓有西崑集行于世屏山李之純引其端
娶曹氏追封彭城縣君一子偁字稚川大定十年進
士第積資奉直大夫豐王府文學兼記室叅軍孫一

八夔字和卿奉職出身善作詩曾孫文祖渭字仲清
少好學克紹箕裘既登第授承德郎知秦州隴城寨
事調隰州軍事判官終朝列大夫奇嵐州刺史號
老人一子价河水泊酒監曰濬廼鄰之曾祖博學
強記少有聲場屋間既而用塵入仕至安遠大將軍
饒陽令配張氏封彭城縣君生四子似似儼侯似字
稚行宣武將軍真定府軍資庫使三子從善字澤卿
彰德府酒監從昇字平卿從契字禮卿武義將軍克
勝軍副都統孫五人曰郊武義將軍曰郊等俱早世
似字稚章孝敬友愛出于天性力學能文稱其家聲
四試于庭不偶用恩賜策授承仕郎華州教授再任
承直郎主沂水縣簿娶王氏封彭城郡太君壽五十

五終于家遺文雄深簡古有廼祖風嘗訓子孫曰為
士當先行檢如絲之潔將立其身慎無點活汝佩吾
言則無忝矣故屏山李純甫表其寔曰善人劉公之
墓其為士夫之紀蓋可見矣一子從益字雲卿自髫
亂時已有成人度擢大安元年進士乙科調鄆陽丞
長葛簿陳州防禦判官皆有治績投机應變措畫出
衆意表進提舉南京路推貨事丁沂水君憂起復拜
監察御史君自材尚氣資之以學欲使事業表大
見于世一旦職与志合所言朝廷紀綱時政利病竟
與宰臣辨論得失不屈去職闕居淮陽與諸生講明
伊洛學久之選令葉縣至則鋤強剔蠹豪族惡黨禁
不敬少肆請免逋租二萬石致流民自歸者口數千

大起孔子廟。既樹教本，集諸生肄習，其中風化大行。考課為河南最，未幾召入翰林，為應奉，不踰月而卒。得年四十有四。雷御史淵誌其墓，趙翰林秉文勒銘。神道皆稱其器識，明敏剛直，敢言學，可以輔政。教材足以濟時艱，賈志以攻士論，惜焉。葉民至廟而祀之。孔子稱遺直遺愛者，豈近是邪？蓬門其自號也。蓋取南山翁誠子詩：元自蓬蒿出門戶，莫交門戶却蒿蓬之句。有文集十卷，粹而賅，通而不流，類其為人。內子嚴氏，封彭城縣君。子二：初郁，初字京叔，少穎異，為學能自刻厲，有奇童目，弱冠舉進士，庭試失意，即閉戶讀書，務窮遠大，涵濡鍛淬，一放意于古文間，出古賦、禠說數篇。李屏山、趙閑、楊吏部、雷御史、王溥南諸

公見之曰：異才也，皆倒屣出迎，交口騰譽之。及與御史公退居于陳，相與講明六經，直探聖賢心學，推于躬行踐履，自是振落英華，取其真寔，文章議論粹然。一出于正士論，咸謂得斯文命脉之傳。壬辰北還，鄉里躬耕，自給築室，榜曰歸潛，歲戊戌。詔試儒人，先生就試魁西京，選充山西東路攷試官。後征南行臺，拈合公聞其名，邀至相下，待以賓友。凡七年而沒，享年四十有八。翰林承旨王磐誌其墓，娶史氏，洛陽名族，一女適前監察田芝子文冕，一男景山。終國史院編修官。孫一興同，有神川遜士集二十二卷，處言四十三篇，歸潛志十三卷，行于世。郁字文季，亦名士，中統元年，肇建中省，辟左右司都事，出尹新

河、召拜監察御史、能文、辭工書翰、別號歸愚、卒年六十一、娶趙氏、前禮部尚書璜之女、一子景崑、諱字伯震、一子景巒、儼字稚昂、鄰之祖也、登承安二年進士第、累官至中奉大夫、秘書少監、壬辰北渡、痛宗國云亡、蹈河而死、配李氏、封彭城郡夫人、三子、從禹字虞、鄉登正大七年、解賦第、官至朝散大夫、同州錄判、一子曰都、從愷字寧、卿自幼卓犖、不群、稍長、入鄉校、擅能賦、聲再舉、不契、就廕補官、授武義將軍、登封主簿、已能綜覈賒務、束濕吏曹、人不敢以少年書生易之、國初、生聚稍集、遊選、庶能急于撫字、辟府君攝領韶州事、繼真授宜陽令、縣當兵後、庶事艸、瓶高下、下車、庶知其利、病休、戚斟酌而更易之、凡科取差徭

必驗其等第、俾均輸焉、暇則集俊秀于縣庠、講明禮義、美善風俗、為政才朞月、而頌聲四達、終更授河南府路經歷、素精吏事、婉畫板、必游餘地、致六房無滯務、公餘與紫陽楊文西菴、楊公九山、李子徽、薛庸、齋微之、觴詠于泉石間、中統四年正月廿八日、以疾卒于私居之正寢、壽五十有五、娶張氏、宣德望族、貞靖柔懿、自在父母家、已稱純孝、及歸于我、事舅姑、恭順、飲食服御、非經其手不進也、終于至元廿三年十月廿日、享年七十有五、葬合祔、子男三人、廓字君美、平江路人、匠提舉、至元三十一年十一月、以疾歿、得年五十有五、配段氏、享年四十有九、部、袁部、場管、白、鄰、才、識、警、敏、練、達、時、務、由、省、掾、授、承、務、郎、工、部、主、事、次、陞、承

直即順德路總管府判官選充監察御史女二長適
渾源州王氏次適應州元帥韓公之孫五紹祖江
浙省宣使慶祖殿山巡檢繼祖勝童乞童從禮字賢
卿終濟南路儒學教授三子曰即曰柳曰郭侯承奉
班祇候遂州酒監一子從周字文卿劉氏先壠始葬
順聖之耀武關南山翁徙祖塋于渾源縣東北黃窠
鄉御史君以在故流離起先塋于宛邱神川旅殯洹
水歸愚定窆燕山今鄰奉大父中奉公衣冠及考妣
柩安厝于河南北却之原是為渾源劉氏洛陽新阡
鄰復欲彰先懿昭孝思圖不朽諗不肖嘗問學于神
川先生知其家世頗詳持張陳李趙雷王諸公銘誌
求述在德碑以猥列後進年迫衰謝不能發越先賢

事業且何敢秉筆于諸名勝之後堅辭者久之鄰復
曰金亡士之北渡者百不二三今消磨已盡求接見
先輩老于文辭而最知名者莫公若也今弗惠顧則
先世之事將何于託不獲已廼採掇諸公緒餘及已
之聞見而知者會歸其極而系之銘曰

漢庭射策

貢士遺風

排點百氏

仲舒是崇

唐文三變

敗北無從

振起哀蕭

尊昌黎公

兩公傑出

莫之比隆

考其亂裔

孰繼芳蹤

大名難再

氣數奇窮

金源立國

網羅才雄

首魁多士

惟南山翁

程文妙絕

一世師宗

當時景仰

卷之二

六

韓董攸同
魏科七決
決大風
言直行果
致時之雍
中奉矯
表我孤忠
神川力學
匪文奚工
道家學之淵流
惜不時逢
朱衣白簡

子孫克肖
聲華摩空
蓬門卓爾
節効匪躬
賈志難沒
職貳大蓬
子孫昌熾
洞聖心胸
玉佩瓊琚
會百川而朝東
陰相同氣
乘御史驄

家學是政
故家文獻
世業克充
支撐傾頽
留名則鴻
存以惟義
為報則豐
明理貫道
大振辭鋒
章甫造越
先志恢洪
何劉氏之多賢

試紬繹其始終
立志務學
傳嗣弥縫
宜澤流渾水之源
歸然新宮
是惟金百年文宗之高
大元故廣威將軍屯田萬戶聶公神道
碑銘

種德植善
祿在其中
維人事之克盡
青蔚南山之峰
世故牽率
無踰于農
忠義仁恕
見天理之昭融
北却之原
匪忘祖封
過者敬恭

皇元以神武戡定區宇
剪金取宋
保塞一軍
號稱雄
勝帥閩堂
節制于上
亦由部曲
宣力得其人故也
况聶氏與蔡國張公
奮跡布衣
義同里閭
依乘風雲
奕世竭節者哉
公諱禎
字正卿
世為定興
沈陶井里

人曾祖洎大父皆在野不仕父福堅資豪偉善騎射
國初張公團結鄉義柵西山之東流鳩選推為百夫
長從定河朔取汴蔡有殊績終襄縣屯田總管母夫
人段氏同里大家生四子公其長也幼沈警寡言笑
不作群兒嬉及長聰敏好學有謀略慷慨尚氣節年
十七嗣襲父職張公察其才武試以攻守之方為問
條對洒灑有成莫公愕然不復以向之吳下阿蒙為
昧歲丁未率本部分功立杞城毫阮宋人出沒以絕
侵軼之患繼攻泗州前後以功受賞有差已未扈
世祖皇帝渡江攻鄂渚拔發弘先登陷東南城堞都
督戰親覩壯其勇酌酒飲賚以紀其功其年冬
命領千兵迎接大帥兀良合反于長沙水陸轉戰備

嘗艱苦竟達漢陽由是陞總轄仍佩銀符中統三年
賊壇叛公攝千夫長分圍歷城接戰嘗先諸道兵蒙
賜繆馬俾激士氣壇平遂南城荆山至元六年真授
千戶易以金符是年
朝廷進軍襄樊公屯守鹿門甚力至元七年行臺命
公將番漢馬步三千人取新興寨公曰彼衆而恃險
我客而力不一惟當神速掩其不備可成功爾遂一
戰而克斬馘不勝計生擒者七十人賞楮幣四千緡
至元十二年分隸元帥孛魯歡收連海淮安等州宋
守將許安撫者陳勝腫五百艘以俟公帥麾下直擣
之許少却水陸乘之彼軍大壞殺死溺水者十七人
盡獲其戰艦器仗帥府上功奉

昔陞武節將軍，繼攻下招信、泗州，階進宣武。時孽宋已亡，江西、湖南皆內附，獨靜江恃其險遠，旅拒不下。上以亳軍素精銳，戰必勝，攻必取，命摘全軍進擊。至則賊勢披猖，公率猛士深入，殊死鬪，首奪西南城堞，衆隨之以進，城陷，捷聞，加授顯武將軍、行軍總管。桂境雖平，大兵後，所在州寇切發，充斥山谷間，為良民梗。衡山茶陵尤稱搶攘，帥府稔公威名，烜赫摘諸翼兵千人往平之。公窮竟窟穴，夷抉根株，其脅從汙染者，諭歸田畝，井邑按堵，軍無私焉。所在老幼擁馬首泣拜曰：「非公活我，吾四縣遺民二十餘萬，無噍類矣。其戢禍亂，威愛兼濟，有古良將風。既而蒙古漢軍都帥張侯以公部曲故家，屢立駿功，請于朝，復備將佐。」

十七年，從張侯入覲，進拜明威將軍、亳軍副萬戶，仍賜錦袍一襲，旌宿勞也。俾鎮建康，尋移維揚。十九年，選充江淮都漕運使。二十五年，改任廣威將軍，大都屯田萬戶。一載間，區畫營屯，耕稼有法，比前政收穫為倍蓰。二十六年，更授右翼萬戶，田旌閃，有萬屯。曉唱之樂，至元廿六年三月十六日，以疾卒于官。享年六十有二。葬祖塋，公資外嚴毅，內廓如也。孝于事親，忠于為國，出天秉，固然治軍旅，號令嚴明，部伍整肅，臨陣抗敵，挺身決戰，略無顧惜。故每戰有功，聲名烜赫，暇則讀書不輟。左氏傳通鑑，戰國策皆通大義。古人良法美意，竒計偉畫，涉獵融會，多見諸行事。方經略南服，母夫人陳氏尚在堂，公乃心王事，不遑暇。

忽遺親之念未嘗置頃刻也一旦心神內動泚流被
面曰豈吾親有故動于彼而應于此邪即請婦覲比
至太夫人喪尚未斂公攀號屢絕痛其終之無所存
活克襄大事鄉里感嘆為平昔孝誠所致夫人郭氏
同縣南王里人溫純恭謹奉事老姑怡順進退不敢
自專年逾四十夫貴子長應對門內事尚以名稱姑
病早暮侍養不少懈倦湯劑必嘗而後進及亡朝夕
廬祭者三週歲宗黨號曰孝婦待妾媵有恩禮略無
嫉妬子一十一人長曰惟義承父爵右翼屯田萬戶
次曰惟謙峽州夷陵尹曰惟明閤門宣贊舍人曰惟
孝惟爵未仕皆郭出也餘幼未名女四人俱遠望族
元貞建號之二載冬十一月惟義踵門來請曰自惟

無所肖似尚賴先世遺澤嗣守緒業朝夕惴愧無
光揚惟是鑽石紀銘表諸神門圖報萬一稔聞翰學
先生學古詞達當代將相家皆有煩于下執事倘得
銘則為不朽矣中統建元余應名中省獲識蔡國父
子及提憲河朔郎山雞水之間亦嘗巡歷載惟疇昔
輒次其件右而繫之以辭銘曰

丈夫挺志
聖所慎茲
擴我秉彝
聶宗所系
侯不封萬
福祿何既

無先外事
不有諸內
克作其氣
奮從雲雷
志為罔遂
桓廣威

況乎戰陳
孰形于外
惟燕南陸
以功名意
報之後人
克昌再世

其
 曉暢戎机
 俾展其翼
 萬竈同心
 指顧摧敗
 玉石既分
 旌旆揚移
 高大門閤
 大本有在
 篤孝惟移
 存沒無愧
 片石干霄
 無
 蔡國首器
 橫戈長江
 雅歌奏凱
 艸切虫如
 善良攸賴
 酬功進爵
 鄉閭歎嘅
 子曾有言
 化而忠義
 巨川騰波
 千古光配
 即峰聳翠
 公于臣子
 頑而弗礙
 不知其中
 大蒙天賚
 笳鼓歸來
 肆為民害
 長驅靜江
 斬鯨蒼海
 發縱指獸

大元奉聖州新建永昌觀碑銘并序

奉聖本秦上谷郡地唐始立新州石晉割賂于遼更
 今名亡金陞武定軍節度今雖為州當兩都往來之
 衝其地望尤重于昔雲山環抱川流交貫樹藝茂盛
 有中土清淑之美風俗雄碩樂施而好善蓋燕雲習
 尚氣義而然也據治城東南里許有道觀曰永昌其
 初祖寂然子張志玄隱微岳居河東之孟門縣越自
 髻齒歌挹真風從平水景鍊師為全真學既長正一
 法錄亦稱精究貞祐南遷所在併擾聞長春邱公應聘
 龍庭師喟然嘆曰天道在北吾將遠遊雲朔庶有遇
 合聿隆道紀至永興之清樂鄉愛其山水幽勝遂結
 茆而居凝神坐忘志趣叵測謁漿之家咸異之曰彼
 其中必有所得豈徒然哉由是風動一方日奉香火

羅拜菴前。間有請必恍然開悟。乃相與選勝得獨山。中水頭地。起建琳宇。處師為上賓。榜曰迎仙。尊顯之也。師佩上清三洞靈章。主盟武定者幾廿載。前後化度門人甚眾。惟吳張盧三法師得其要妙。而吳在伯仲。為寂寂然。謝世藏觀。南化臺。吳號通玄子。氣貌魁偉。志行誠篤。體含妙用。動達玄机。寂然師知為受道器。常勉之曰。汝舉止異常。言論卓犖。通文辭。知醫藥。恐驚翔雀。終非艸野間物。寂然既終。行緣城市。人或忝扣。誦答如流。有一鉢千家飯。渾身百衲衣。心如江月朗。情侶楚雲飛。之句。其胸懷洞徹如此。加以符水療疾。隱痛隨愈。眾驚異。以有道目之。達官豪右。共來敬禮。至有得望其風采而為幸者。闔境尊信。法緣

契合。遂易止金劉太監別墅為棲真所。中有亭崇臺層檐。為一境偉觀。即改亭為殿。奉三清。辟容下。逮齋厨庫廩。以次修舉。署曰永昌。與迎仙為上下院。自是徒眾雲集。檀越之家。設醮筵而徵冥福。求符藥而濟灾屯者。憧々而來。曾無虛日。鐘磬之聲。隱然聞市肆間。永昌琳館。為一方名勝。道俗歸依之所矣。通玄仙去。寧神于永昌之南。以後事付上足弟子虞法師。行業修潔。和光同塵。心存濟度。多蒙藥惠。補治遺缺。而觀之。規為始克。完具以推擇。充玄門道錄。虞寐陪。葬師側。其徒崔志善。踵而增飾之。崔沒。盧法師以道錄。來住持。焉傳之。門人李道素。道素姿朴實。惟恐過逸。前光內則起廢寮舍。外則增置田圃。朝夕齋戒。載

勤頌禱望高羽流擢判管內道門事延揣不遑曰
向上師真剗心勞神披荆榛擬瓦礫鋪敦教基吾輩
何有坐享其安惟是刻石紀行俾見興_建本末庶垂
不朽來丐銘予以道不同不相為謀牢讓者再請益
堅乃酌取大方家見于吾儒之紀載者論次而銘之
後_查所謂道家者流蓋古隱逸清潔之士矣巖居而
澗飲_木衣而未食節欲以清心修己而應物不為軒
裳所羈不為榮利所怵自放于方之外其高情遠韻
凌煙霞而薄雲月誠有不可企及者自漢以降處士
素隱方士誕誇飛昇煉化之術祭醮禳禁之科皆屬
之道家稽之于古事亦多矣徇末以遺其本凌遲至
于宣和極矣弊極則變于是全真之教興焉淵靜以

而 行翕然後之實繁有徒其特達者各

是也耕田鑿井自食其力垂慈接物以期善俗不知
誕幻之說為何事敦純朴素有古逸民之遺風焉而
又昇授得人顯揚斯在是可書定安之白雲觀盧法
師建永興之觀張法師建與永昌同一法眷也銘曰

道之大原

清靜自然

修道謂教

本乎善淵

究其源委

私泚其傳

玄文五千

辭固奮激

由是之焉

返純還朴

豈忘蹄筌

雲朔俗致

慈儉不爭

至理無邊

全真為學

復太古前

寂然出世

聞善易遷

坐忘感化
克興大緣
化行城府
道價翩翩
燕處有室
基緒綿綿
光揚有例
何千百年

孰分後先
絕塵而下
重闡法筵
香火奔走
耕鑿有田
門人繼承
刻銘瑤鐫

傾心信嚮
復得通玄
一時景仰
先業昭宣
遺我後人
持守奉
流光遺照

大元故正議大夫浙西道宣慰使行工部
尚書孫公神道碑銘并序

雲西風土雄碩龍山峻極為之奠焉
渾流交貫神川
清淑資其潤焉故士生其間有瓌奇宏傑之稱而劉

雷為之冠焉然山川炳靈矣間今昔况河洛為帝王
之里并汾多攀附之臣儼景風雲依光日月者哉若
乃始以材技有光世緒終則挺輸忠蓋作時名卿安
榮福壽慶流後裔者誰矣故宣慰使工部尚書孫公
其人也公諱慶文咸勤力務本不耀其光顯祚諱成為
伯大父諱慶文咸勤力務本不耀其光顯祚諱成為
人跡弛不羈早以功名自意少有巧思肄函人氏業
繕治堅密出新意于法度之中方
太祖聖武皇帝經略中夏總攬豪傑貯除戎具為丞
廼挾所業投獻上賞其能應時需賜名也可兀闌
錫佩金符充諸路甲匠總管
太宗朝從征秦晉惻民被屠戮屢以蒐簡工匠為言

賴全活者衆顯妣杜氏主內務有綱紀嘗辨雪工徒
質逆之誣因之脫死公生漢北年十許歲總匠君摯
之入覲

太宗異其風骨曰此兒他日必大享用蒙賜御饌自
是得出入禁闈矣及長資英明多藝能慷慨有大志
練習國典通曉譯語所交皆一時豪雋衆亦以通
材許之庚子歲襲父職佩銀符

定宗朝換金符歲進課精例賜錦幣
憲宗特賚貂裘仍勅繼稱父賜名

世祖皇帝在潛邸上命歲輸百鎧有中七矢而不
貫者其堅完如此及南征果獲用中統建元授都總
管上北征駐昔沒敦公出私財製甲冑六十襲以

進天顏喜甚錫銀笏

忠結

命領諸路雜色

技奏出

女四十妻工之鰥者

歲支衣糧贍濟不給諸局廩給自此始又考制度定

程式作諸路恒法公自承嗣選材工招亡恤弱出

已財以代公費獲而軍興至蒙賞進秩可謂

盡心所事克荷所
寶鼎枝車未膺所用有鬱不能自己者至元改元

朝廷清明治具畢張公上書抗言宜設御史臺肅正

紀綱雖不遑有待士論偉之五年憲府肇建特拜監

察御史官忠翊校尉上諭大夫塔察公曰他人則

未之識如也可凡闡朕熟其忠廉宜與汝共事時官

僚極一時選較夫多識朝廷故事洞達諸色情狀材

僚極一時選較夫多識朝廷故事洞達諸色情狀材

氣足以投赴事機威望可以懾服豪猾在公無以踰
矣一旦職與志慙思明目張膽鯁言無忌仰答恩遇
是風生白筆氣凌霜簡論列無虛日時宿衛鷹房
恃城社頗縱恣在他人弗措手者公優為之如上
都濟時門強奪民物東安州縱馬馳嚙食桑棗甚至
斬伐為薪公痛繩之以法至知所畏避上聞而以
目之及年考滿憲長奏公自供職無點水私至絕
飲風稜銛利刺督切中裏行無出其右
時選擢正為此尔可再任俾矜式新進者既
而察外事還西川行者冒支楮幣二萬餘定
之義為奴役兵士治第採薪至被虎
五十仍奏治其罪十

年夏宣授金符武德將軍簽山東西道提刑按察
司事至則務實用顯效張皇憲度故材廉者必薦姦
貪者必置於法州郡惴々奉約束惟謹褰帷具瞻有
風動百城之目東平路監尹出貴戚簡重自居監司
官至郡未嘗相覲聞公來按部迎謁境上糾治豪縱
不法者十數輩曾無一語護援及去復伸餞禮博德
高唐耆老貯香於頂來迓曰自立憲司未覩稱職如
公者我輩獲安田里受賜多矣其威望顯著吏民畏
服可知已十二年陞山北遼東道提刑按察副使遼
東境土曠遠諸王營帳泊諸部種人雜處其間恃勢
相凌為申嚴法禁革去宿弊豪強斂迹小民氣得少
伸分司遼陽親王近侍五人劫居民資用且歐擊之

有司不敢究民來訴即械五人狗通衢王諭釋其罪
竟杖決之灤水濶而雜沙石自昔無津梁命造荆絡
貯碎石為柱以成橋倣此建者百所自爾遼右免病
涉之苦十三年進階朝列十四年春陞授中順大夫
彰德路總管分佩金虎符惟相當南北衝會民物繁
夥自昔為河朔名郡然政務煩重視鄰路為倍蓰公
諳練政體材地有餘當王事至集訟謀交至泛應曲
當不失時措之宜平生遇事有為一旦重膺民社迺
究竟利病俾寔惠及民以三事躬請於朝其一比歲
霖潦傷稼民多闕食准免逋稅九千七百石其二諸
郡輸遞取道本路徵發車牛越廣平抵順德往還餘
五百里非惟偏倍恐民力不堪蒙以廣平之磁州代

焉其三本路稅粟歲輸大名秦家渡由唐宋渡河東
南行百五十里歲晏寒沍車人告病聽于唐宋倉輸
納前政貸民資五百餘定起新附軍營舍至是亦給
公帑刑民李閏六嘗殺人累問弗伏干證餘百人移
公推密廉其實遂伏辜餘得釋時以神明稱終更相
人懷思至琢石頌焉江潮平上諭中書省造作事
重當選能者主之十六年冬授正議大夫浙西道宣
慰使兼行工部事籍人匠四十二萬立局院七十餘
所每歲定造幣編弓矢甲冑等物十八年上命左
丞相阿剌罕等征日本給辦勝艘戰具繕制堅完都
將以聞上曰也可兀闌豈有誤耶二十年十月來
朝大為上所獎諭賜宴于便殿二十二年授江西

等處行工部尚書上章致仕閒居清苑每風憲泊臨
民官來貞疑必告以益國便民之方二十四年九月
親上于朝殿上念忠臣之舊問年今幾何居某
處子孫幾人奏對畢賜食俾坐于御榻之西上遣
太府卿納里忽問曰飲飲飽未復賜鹿羹白酒沾醉
而出大德元年子拱總尹大同奉公與夫人張氏還
鄉里時公及夫人壽俱高日與親友相飲宴鄉人榮
之改渾源西北山曰畫錦有司亦用名鄉四年正月
廿九日以疾薨于私居之正寢享年七十有九遺訓
子孫勉力忠孝少不及私二月十四日歸葬于渾源
州西劉村先塋之次送葬者數千人哭聲聞數里外
蓋平生感懷于人者如此夫人張氏梁氏皆出名家

張氏終于四年秋壽八十有四梁氏先公沒子三人
拱資誠實材果純孝力學由工部侍郎陞受少中大
夫大同路總管兼府尹本路諸軍奧魯總管內勸
農事撤武略將軍武備寺丞振忠翊校尉定海縣尹
女三長適安平縣尹趙襄次適李氏劉氏孫男四謙
襲立職從仕郎保定等路軍器人匠提舉次早立諧
承直郎利器庫提點誼進義副尉保定等路軍器人
匠提舉孫女三適趙氏王氏次幼曾孫男一猥頭曾
孫女三長適李氏餘幼公儀觀魁偉氣量遙闊美鬚
髯容色莊厲閑習時體譯語闡翻襟以談詭顧國種
貴卿無以易其論列公朝集議僚屬處正本公詞情
剴切毫髮不假借善為鉤距能得小人根株窟穴似

夫古之能吏才大夫。至于奉上忠事親孝交友誠。雖位望顯赫。循謙謙退。然如無能為者。齊家教子。敦篤義方。循尚禮法。又似夫齊魯質行之士。生平疾惡。由義激中。其心休。樂善成美。出于天稟粹厚。放良臧獲百餘人。貸貧民子錢七萬緡。宜其三任風憲。位正總尹。丕張世守。官造六卿。剛直有守。允協士論。忠勤無間。簡在帝心。福壽綿延。子孫衆多。家門隆盛。雖曰依乘。亦由平昔操履感召。有以致然也。可謂材德具備。勲名兩全。哀榮終始者矣。嗣子拱以墓碑來請。因憶至元戊辰。憲臺初立。公與不肖同擢御史。引見。在祖皇帝于廣寒殿。自爾議事。相廳聯鑣。馳馬義氣。交孚相得。為甚歡。後偕官于相。迨歲壬辰。應聘北上。

復私覲保塞。追叙契舊。當時並域。豸冠今所存者。獨吾二人。公又奪去。僕雖老。恐無一言邪。既叙梗概。仍系之銘。曰。

雲龍奮飛西北天
有來群后捷戎軒
孫侯挾技善連權
函惟扞格貴弗穿
犀兕七屬光生烟
風雲儼景同翩翻
臧孫有後理固然
嗣興遺緒心彌丹
豸冠執法班朝端

神武載造坤與乾
所在戈甲相周旋
賜名訓徒畀任顯
函雖多樣公發源
上為嗟惜賞世延
執藝諫請多活全
公其挺生鍾世賢
鯤化躍出天池淵
憲網未舉為進言

太微一夕光星纏
忠臣憤激同鷹鷂
上目剛直由孤騫
地廣物衆牙孽間
積弊一剷摧邪姦
煌煌金節臨漳洹
侯伯正位務固繁
吏惟寬慢猛則殘
三事上請民力殫
橫斂追給公府錢
江制平一俗巧儼
共工汝賢常伯聯

朱衣白簡相後先
秋風搏擊無空拳
青齊遼碣海岱連
繡衣風彩何翩翩
恥令趙張出吾前
霜空霽嚴政春妍
刺裁錯節驚龍泉
要本寔惠蘇民編
轉輸者便通賦蠲
去思有頌德化宣
訓授程課需世官
工局染院勞次銓

歲時供億物利堅
聖皇眷顧稱忠憐
功成身退名節完
作牧御郡意所便
世期福壽方綿綿
停雲冉冉橫之巔
神遊淒淒招來篇
乘時樹立孰敢肩
鬱鬱紫氣衝斗邊
英聲並與斯銘傳

一朝上章遠引年
嗣侯亞卿請外遷
錦衣榮養白晝鮮
邱山零落館舍捐
時有白鹿馴其阡
自昔豪傑誇雲煙
千年鄂劍埋神川
何以驗之瑤有鵠

